

卷之四



列傳卷第二百五十二

宋史四百九十三

開府儀同三司上柱國錄軍國軍書副書右丞相兼修國史領選事都總執事

勅修

蠻夷一

西南溪峒諸蠻上

古者帝王之勤遠略耀兵四裔不過欲安內而捍外  
尔非所以求逞也西南諸蠻夷重山複嶺雜厠荆楚  
巴黔巫中四面皆王土乃欲揭上腴之征以取不毛  
之地疲易使之衆而得梗化之氓誠何益哉樹其首  
長使自鎮撫始終蠻夷遇之斯計之得也然無經久



之策以控馭之狂靡之性便於馳梁或以讐隙相尋  
或以饑饉所逼長嘯而起出則衝突州縣入則負固  
山林致煩興師討捕雖能殄除而斯民之荼毒深矣  
宋恃文教而略武衛亦豈先王制荒服之道哉西南  
溪峒諸蠻蠻蠻種唐虞為要服周世其衆彌盛宣王  
命方叔伐之楚莊既霸遂服於楚秦昭使白起伐楚  
略取蠻夷置黔中郡漢改為武陵後漢建武中大為  
寇鈔遣伏波將軍馬援討至臨沅擊破之渠帥飢困  
乞降歷晉宋齊梁陳或叛或服隋置辰州唐置錦州  
溪州巫州敘州皆其地也唐季之亂蠻酋分據其地

自署為刺史晉天福中臣希範承襲父業據有湖南  
時蠻獠保聚依山阻江殆十餘萬至周行逢時數出  
寇邊逼辰永二州殺掠民畜無寧歲太祖既下荆湖  
思得通蠻情習險阨勇智可任者以鎮撫之有辰州  
獠人秦再雄者長七尺武健多謀在行逢時屢以戰  
鬪立功蠻黨伏之太祖召至闕下察其可用擢辰州  
刺史官其子為殿直賜予甚厚仍使自辟吏屬予一  
州租賦再雄感息誓死報效至州日訓練土兵得三  
千人皆能被甲渡水歷山飛壑捷如猿猴又選親校  
二十人分使諸蠻以傳朝廷懷柔之意莫不從風而



靡各得降表以聞太祖大喜復召至闕面加獎激改  
辰州團練使又以其門客王允成為辰州推官再雄  
盡瘁邊圉五州連袤數千里不增一兵不費帑庾終  
太祖世邊境無患又有溪州刺史彭士愁等以溪錦獎  
州歸馬氏立銅柱為界建隆四年知溪州彭允林前  
溪州刺史田洪贊等列狀歸順詔以允林為溪州刺  
史洪贊為萬州刺史允林卒以其子師皎代為刺史  
四月水闕都虞候林抱義上辰赦二州圖乾德二年  
四月溪敘獎等州民相攻劫遣殿直牛允齋詔諭之  
乃定三年七月珍州刺史田景十內附五溪團練使

洽州刺史田處崇上言湖南節度馬希範建叙州潭  
陽縣為懿州署臣叔父萬彞為刺史希範卒其弟希  
萼襲位改為洽州願復舊名詔從其請十二月詔溪  
州宜充五溪團練使刻印以賜之四年南州進銅鼓  
內附下溪州刺史田思遷亦以銅鼓虎皮麝臍來貢  
五年冬以溪州團練使彭允足為濮州牢城都指揮  
使溪州義軍都指揮使彭允賢為衛州牢城都指揮  
使珍州錄事參軍田思曉為博州牢城都指揮使允  
足等溪峒首豪據山險持兩端故因其入朝而置之  
內地開寶元年珍州刺史田景遷言本州連歲災沴



乞改為高州從之八年景遷卒其子銜內都指揮使  
彥伊來請命即以為刺史九年獎州刺史田處達以  
丹砂石英來貢太平興國二年懿州刺史五溪都團  
練使田漢瓊以其子弟女夫大將五溪統軍都指揮  
使田漢度而下十二人來貢詔並加檢校官以獎之  
三年夷州蠻任朗政等來貢七年詔辰州不得移部  
內馬氏所鑄銅柱溪州刺史彭允殊上言刺史舊三  
年則為州所易望朝廷禁止賜勅書安撫之八年錦  
溪敘富四州蠻相率詣辰州言願比內郡輸租稅詔  
長吏察其謠俗情偽并按視山川地形圖書東

不許懿州刺史田漢瓊錦州刺史田漢希上言願兩  
易其地詔從之又以知叙州舒德郭為刺史雍熙元  
年黔南言溪峒夷獠疾病擊銅鼓沙羅以祀神鬼詔  
釋其銅禁淳化二年知晃州田漢權言本管砂井步  
夷人粟忠獲古晃州印一鈕來獻因請命以漢權為  
晃州刺史又以五溪諸州統軍鶴州刺史向通漢為  
富州刺史從其請也是年荆湖轉運使言富州向萬  
通殺皮師勝父子七人取五藏及首以祀魔鬼朝廷  
以其遠俗令勿問三年晃州刺史田漢權錦州刺史  
田保全遣使來貢五年以舒德言為元州刺史獎



是敘懿元錦費福等州皆來貢上親視器幣以賜之  
至道元年高州溪州並來貢二年上親祀南郊富州  
刺史向通漢上言聖人郊祀恩浹天壤况五溪諸州  
連接十洞控西南夷戎之地惟臣州自昔至今為辰  
州墻壁障護辰州五邑王民安居臣雖僻處遐荒洗  
心事上伏望陛下察臣勤王之誠因茲郊禮特加真  
命詔加通漢檢校司徒進封河內郡侯咸平元年通  
漢又言請定租賦真宗以荒服不征弗之許其年古  
州刺史向通展以芙蓉朱砂二器馬十匹水銀千兩  
來獻詔有司鑄印以賜通展二年以下溪州刺史彭

允殊為右千牛衛將軍致仕以其姪文勇為刺史三  
年高州刺史田彥伊遣子貢方物及輸兵器四年其  
酋向君猛又遣弟君泰來朝上溪州刺史彭文慶來  
貢水銀黃蠟五年正月天賜州蠻向永豐等二十九  
人來朝夔州路轉運使丁謂言溪蠻入粟實緣邊砦  
柵頓息施萬諸州饋餉之弊臣觀自昔和戎安邊未  
有境外轉糧給我戎兵者先是蠻人數擾上召問巡  
檢使侯廷賞廷賞曰蠻無他求唯欲鹽爾上曰此常  
人所欲何不與之乃詔諭丁謂謂即傳告陬落羣蠻  
感悅因相與盟約不為寇鈔負約者衆殺之且曰天



子濟我以食鹽我願輸與兵食自是邊穀有三年之積七月高州刺史田彥伊子承寶等百二十二人來朝賜巾服器幣以承寶為山河使九溪十峒撫諭都監六年四月丁謂等言高州義軍務頭角田承進等擒生蠻六百六十餘人奪所畧漢口四百餘人初益州軍亂議者恐緣江下峽乃集施黔高溪蠻豪子弟捍禦羣蠻因熟漢路寇略而歸謂等至即召與盟令還漢口既而有生蠻違約謂遣承進率衆及發州兵擒獲之焚其室廬皆震懼伏罪謂乃置尖木砦施州界以控扼之自是寇鈔始息邊溪峒田民得耕種七

月南高州義軍指揮使田承強防虞指揮使田承海來貢施州叛蠻譚仲通等三十餘人來歸景德元年高州五姓義軍指揮使田文部來貢富州刺史向遵漢遣使潭州營佛事以報朝廷存卹之惠二年夔州路降蠻首領皆自署職名請因而命之上不許第令次補牙校是歲辰州諸蠻攻下溪州為其刺史彭儒猛擊走之擒首首以獻詔賜儒猛錦袍銀帶儒猛自陳母老願被恩典詔特加邑封十二月荆湖北路言溪峒團練使彭文綰送還先陷漢口五十人詔授文綰檢校太子賓客知中彭州其年懿州刺史田漢希



卒以其子漢能為刺史三年高州新附蠻酋八十九  
人來貢五溪都防禦使向通漢表求追贈父母從之  
溪州刺史彭文慶率溪峒群蠻來朝又高州諸名豪  
百餘人入貢四年五月以高州刺史田宏伊子承寶  
為寧武郎將高州土軍都指揮使田思欽為安化郎  
將其年宜州軍亂朝廷恐宜融溪峒因緣侵擾因降  
詔約勒首領皆奉詔部分種族無敢輒動大中祥符  
元年瓊州路言五團蠻嘯聚謀劫高州欲令暗利若  
援之上以蠻夷自相攻不許發兵三月知元州舒君  
強知吉州向光普並加銀青光祿大夫檢校太子

客八月黔州言磨嵯洛浦蠻首領龔行滿等率族二  
千三百人歸順十月溪峒諸蠻獻方物于泰山三年  
澧州言慈利縣蠻相讐劫知州劉仁霸請率兵定之  
上恐深入蠻境使其疑懼止令仁霸宣諭詔旨遂皆  
感服四年安遠順南永寧濁水州蠻酋田承曉等三  
百七十三人來貢五年詔許溪峒蠻夷歸先劫漢  
口及五十人者特署職名仍聽來貢如聞緣此要利  
輒掠邊民充數所在切辨察之其年瓊蠻千五百人  
乞朝貢上慮其勞費不許又詔施州溪蠻朔望犒以  
酒殺閏十月五溪蠻向貴升及磨嵯洛浦蠻來貢六



年夔州蠻彭進龍英才晃等來貢辰州溪峒都指揮使  
魏進武率山獠數百人數寇城砦朝廷不欲發兵窮  
討乃降詔招諭七年進武詣吏請罪署為三班借職  
監房州稅仍賜裝錢八年詔中彭州彭文綰歲賜錦  
袍天禧元年溪州蠻寇擾遣兵討之二年辰州都巡  
檢使李守元率兵入白霧圍擒蠻寇十五人斬首百  
級降其酋二百餘人知辰州錢絳等入下溪州破砦  
柵斬蠻六十餘人降老幼千餘刺史彭儒猛亡人山  
林執其子仕漢等赴闕詔旨向州蠻捕儒猛來獻者厚  
加賞典其年儒猛因順州蠻田彥晃上狀本路自訴

求歸轉運使以聞上哀憐之特許釋罪儒猛乃奉上  
所略民口器甲詔辰州通判劉中象召至明灘與飲  
血要盟遣之詔以仕漢為殿直儒霸儒聰為借職賜  
冠帶緡帛富州刺史向通漢率所部來朝貢名馬丹  
砂銀裝劍劍鎧鎧整彩牌等物詔賜襲衣金帶鞍勒馬  
并其子光澤以下器幣有差特許通漢五日一朝諭  
月通漢上五溪地理圖願留京師上嘉美之特授通  
漢檢校太傅本州防禦使還賜疆土署其子光澤等  
三班職名通漢再表欲留京師不允乃為光澤等求  
內地監臨及言歲賜衣願使者至本任並從之既辭



又賜以襲衣金帶三年通漢卒以其子光憲知州事  
其後光澤不為親族所容上表納土上察其意不許  
四年知古州向光普遣使鼎州營僧齋以祝聖壽初  
北江蠻酋最大者曰彭氏世有溪州州有三曰上中  
下溪又有龍賜天賜忠順保靜感化永順州六懿安  
遠新給富來寧南順高州十一總二十州皆置刺史  
而以下溪州刺史兼都誓主十九州皆隸焉謂之誓  
下州將承襲都誓主率群酋合議子孫若弟姪親黨  
之當立者具州名移辰州為保證申鈐轄司以聞乃  
賜勅告印符受命者隔江北堂拜謝州有押寨別

及校吏聽自補置彭氏自允殊文勇儒猛相繼為下  
溪州刺史至仕漢為殿直留西京後輒遁歸天聖初  
以狀白辰州自言父老兄亡潛歸本道願放還家屬  
詔徙其家京師舍以官第未幾儒猛言仕漢逃歸誘  
羣蠻為亂遣別子仕端等殺之朝廷嘉其忠降詔獎  
諭時儒猛為檢校尚書右僕射特遷左僕射又以仕  
端為檢校國子祭酒知溶州加賜益三百斤綵三十  
匹彭氏有文縮者知中彭州即忠順州也三年儒猛  
攻殺文縮其子儒索率其黨九十二人來歸補儒索  
復州都知兵馬使餘官為稟給五年儒猛死仕端以



名馬來獻詔還其馬命知下溪州賜以袍帶七年遂  
以其弟仕義貢方物明道初仕端死復命仕義為刺  
史累遷檢校尚書右僕射自允殊至仕義五世矣仕  
義有子師寶景祐中知忠順州慶曆四年以罪絕其  
奉貢蓋自咸平以來始聽二十州納貢歲有常賜蠻  
人以為利有罪則絕之其後師寶數自訴請知上溪  
州皇祐二年始從其請朝貢如故既而師寶妻為仕  
義取去師寶忿恚至和二年與其子知龍賜州師黨  
舉族趨辰州告其父之惡且言仕義嘗殺誓下十三  
州將奪其符印并有其地貢奉賜予悉專之自號知

意大王補置官屬將起為亂於是知辰州宋守信

通判賈師熊轉運使李肅之合議率兵數千深入討

伐以師寶為鄉導兵至而仕義遁入他峒不可得俘

其孥及銅柱而官軍戰死者十六七守信等皆坐貶

自是蠻獠數入寇鈔邊吏不能制朝廷姑欲無事間

遣吏諭旨許以改過自歸裁損五七州貢奉歲賜初

輒不聽後遣三司副使李參文思副使竇儼侍御史

朱處約轉運使王綽經制大出兵臨之且馳檄招諭

而仕義乃陳本無反狀其僭稱號補官屬特遠人不

知中國禮義而然守信等輕信師寶之譖擅伐無辜



願以二十州舊地復貢奉內屬朝廷又遣殿中丞雷簡夫徃視之嘉祐二年仕義乃歸所掠兵丁五十一人械甲千八百九事率蠻衆七百飲血就降辰州亦還其孥及銅柱時師寶已死遣師黨歸知龍賜州戒勿殺自是仕義歲奉職貢然黠鰲數盜邊即辰州界白馬崖下啜溪聚衆據守朝廷數招諭令歸侵地不聽熙寧三年為其子師綵所弑師綵專為暴虐其兄師晏攻殺之并誅其黨納誓表于朝并上仕義平生鞍馬器服仍歸啜溪地乃命師晏襲州事五年復以馬皮白峒地來獻詔進為下溪州刺史賜母妻封邑

章惇經制南北江湖北提點刑獄李平招納師晏並下州峒蠻張景謂彭德儒向永勝覃文猛覃彥霸各以其地歸版籍師晏遂降詔脩築下溪州城并置砦於茶灘南岸賜新城名會溪新砦名黔安戍以兵隸辰州出租賦如漢民遣師晏詣闕授禮賓副使京東州都監官其下六十有四人元豐八年湖北轉運司言辰州江外生蠻覃仕穩等願內附詔不許招納其後彭仕誠者復為都誓主元祐三年羅家蠻寇鈔詔召仕誠及都頭覃文懿等至辰州約款之是年知誓下深順州彭儒武知永順州彭儒同知謂州彭思聰



知龍賜州彭允宗知監州彭士明知吉州彭儒崇各  
 同其州押案副使進奉興龍節及冬至正旦溪布有  
 差初熙寧中天子方用兵以威四夷湖北提點刑獄  
 趙鼎言峽州峒首刻剝亡度蠻衆願內屬辰州布衣  
 張翹亦上書言南北江利害遂以章惇察訪湖北經  
 制蠻事而南江之舒氏北江之彭氏梅山之蘇氏誠  
 州之楊氏相繼納土荆之城若使之比內地為王民  
 北江彭氏已見前南江諸蠻自辰州達于長沙邵陽  
 各有溪峒曰叙曰峽曰中勝曰元則舒氏居之曰樊  
 曰錦曰懿曰晃則田氏居之曰富曰鶴曰保順曰天

賜曰古則向氏居之舒氏則德鄧德言君疆光銀田  
 氏則處達漢瓊漢希漢能漢權保金向氏則通漢光  
 普行猛永豐永晤皆受朝命自治平末光銀入貢故  
 事南江諸蠻亦隸辰州貢進賜給以驛券光銀援以  
 為請詔以券九道給之其後有峽州舒光秀者以刻  
 剝其衆不附張翹言南江諸蠻雖有十六州之地惟富  
 峽叙僅有千戶餘不滿百土廣無兵加以存饑近向  
 永晤與繡鶴叙諸州蠻自相讐殺衆苦之咸思歸化  
 願先招富峽二州俾納土則餘州自歸并及彭師晏  
 之孱弱皆可郡縣詔下知辰州劉策商度策請如翹

史記卷九十三

史記卷九十三

史記卷九十三



言熙寧五年乃遣章惇察訪未幾策卒乃以東作坊使石鑑為湖北鈐轄兼知辰州且助惇經制明年富州向晤獻先朝所賜劔及印來歸順繼而光銀光秀等亦降獨田氏有元猛者頗桀驁難制異時數侵奪舒向二族地惇遣左侍禁李資將輕兵往招諭資辰州流入曩與張翹同獻策者也福宥無謀褻慢夷獠遂為懿洽州蠻所殺惇進兵破懿州南江州峒悉平遂置沅州以懿州新城為治所尋又置誠州元祐初傅堯俞王巖叟言沅誠州刼建以來設官屯兵布列砦縣募役人調戍兵費鉅萬公私騷然荆湖兩路為

之空竭又自廣西融州刼開道路達誠州增置潯江等堡其地無所有湖廣移賦以給一方民不安業願斟酌廢置朝廷以沅州建置至是十五年蠻情安習已久但廢誠州為渠陽軍而沅州至今為郡元祐初諸蠻復叛朝廷方務休息痛懲邀功生事廣西張整融州温嵩坐擅殺蠻人皆實之罪詔諭湖南北及廣西路曰國家疆理四海務在柔遠頃湖廣諸蠻近漢者無所統壹因其請更量置城邑以撫治之邊臣邀功獻議刼通融州道路侵逼峒穴致生疑懼朝廷知此弊用旋即廢罷邊吏失於撫遏遂爾扇搖其叛首



四子一十  
楊晟臺等並免追討諸路所開道路初置堡砦並廢  
自後五溪郡縣棄而不問崇寧以來開邊拓土之議  
復熾於是安化上三州及思廣洞蒙光明樂安峒程  
大法都丹團黃光明靖州西道楊再立辰州覃都管  
罵等各願納土輸貢賦又令廣西招納左右江四百  
五十餘峒宣和中議者以為招致熟羌接武請吏竭  
金帛繒絮以啗其欲捐高爵厚奉以侈其心開辟荒  
蕪草創城邑張皇事勢僥倖賞息入版圖者存虛名  
充府庫者亡實利不毛之地既不可耕狼子野心頑  
冥莫革建築之後西南夷獫狁交寇而溪峒子蠻亦復

跳梁士卒死於干戈官吏沒於王事肝腦塗地往往  
有之以此知納土之議非徒無益而又害之所由生  
也莫若俾帥臣監司條具建築以來財用出入之數  
商較利病可省者省可併併減戍兵漕運而夷狄可  
撫邊鄙可亡患矣乃詔悉廢所置初郡其餘諸蠻自  
乾興以來或叛或服其類不一各以歲月次之乾興  
初順州蠻田彥晏率其黨田承恩寇施州暗利砦縱  
火而去夔州發兵擊之俘獲甚衆彥晏在真宗朝為  
歸德將軍檢校太子賓客知順州承恩者知保順州  
田彥曉子也明年彥晏歛邊上誓狀願還所掠金帛



器械且輸粟二千石自贖詔拒其粟舍其所負金帛  
第令歸掠去戶口仍加彥安寧遠將軍檢校工部尚  
書承恩檢校國子祭酒兼監察御史皆知州如故後  
又有田忠顯者與其黨百九人入貢天聖二年知古  
州向光普自言嘗勸佛寺請名報國歲度僧一人許  
之四年歸順等州蠻田思欽等以方物來獻時來者  
三百一人而夔州路轉運司不先以聞詔劾之既而  
又詔安遠天賜保順南順等州蠻貢京師道里遼遠  
而離寒暑之苦其聽以貢物留施州所賜就給之  
入貢者十人聽三二人至開下首領聽三年一至七

年黔州蠻舒延蠻繡州蠻向光緒皆來貢九年施州  
屬蠻覃芳綰等寇永寧若景祐中澧州屬蠻五百餘  
人入寇時州將崔承祐畏避不以聞為荆湖鈐轄司  
所奏詔劾罷之寶元二年辰州獠獠三千餘人欵附  
以州將張昭懿招輯有功進一官慶曆三年桂陽監  
蠻徭內寇詔發兵捕擊之蠻徭者居山谷間其山自  
衡州常寧縣屬于桂陽郴連賀韶四州環紆千餘里  
蠻居其中不事賦役謂之徭人初有吉州巫黃捉鬼  
與其兄弟數人皆習蠻法往來常寧出入溪峒誘蠻  
衆數百人盜販益殺官軍逃匿峒中既招出而殺之



四十一  
又徙山下民他處至是其黨遂合五千人出桂陽藍山縣華陰峒害巡檢李延祚潭州都監張克明事聞擢楊旼提點刑獄督攻討事久之不克遂詔湖南轉運使郭輔之等招撫之始於湖南置安撫司蠻所至殺掠居民縱火劫財物被害者甚衆詔被害者并入山捕蠻土兵蠲復有差初發兵捕蠻至或誤殺良民仁宗命訪之口給絹五匹仍拊其家時蠻勢方熾又遣殿中侍御史王絳三司度支副使徐鉉經制降勅書委知潭州劉沆招諭能自歸者第錄以官沆大發兵臨之以勅書從事降二千餘人使散居所部錄其

首領鄧文志黃文晟黃士元皆為三班奉職又以沆殿承制升贊崇班胡元嘗在石碣峒捕殺有勞進贊莊宅副使元禮賓副使時四年冬也五年二月餘黨唐和等復內寇乃詔湖南安撫轉運提點刑獄便宜從事又特賜官兵土丁錢有差於是沆檄楊旼等八路入討覆蕩桃油平能家源等皆其巢穴捕斬首級甚衆詔官兵有功者九百餘人第遷資錄其應募討擊者道州進士十四人並官之然唐和等猶未平又詔如聞賊黨欲降其罷出兵逃匿者諭使歸復州縣拊存之是冬蠻復入寇與胡元及右侍禁郭正趙鼎



賤侍王孝先戰于華陰峒隘口元等死之劉沆楊政  
皆坐黜以劉瓛代沆為安撫使瓛言唐和等既敗官  
軍殺將吏聚眾益自疑恐寔為邊患願以詔書招安  
就補溪峒首領詔可是時湖湘騷動兵不得息六年  
夏仁宗顧謂輔臣曰官軍久戍南方夏秋之交瘴癘  
為虐其令太醫定方和藥遣使給之自是繼賜緡錢  
未幾瓛言敗唐和於銀江源轉運使周沆亦言指揮  
辛景賢招降賊黨五十六戶二百五十九人錄其首  
領戒所部拊存之先是命三司戶部判官崔嶧為體  
量安撫往議討除招安二策既而知桂陽監宋守信

唐和嘯聚千餘眾為盜五六年卒未能克者朝廷  
不許窮討故也今衡州監酒黃士元頗習溪峒事願  
得敢戰士二千引路士丁二百優給金帛使之逐捕  
必得然後已并勅开贊等合勇以進彼既勢窮必將  
欵附詔用其策於是大發兵討之其眾果懼遁入郴  
州黃莽山由趙峒轉寇英韶州依山自保是冬帝閱  
士卒暴露復諭執政密戒主帥安恤七年唐和遣其  
子執要領詣官自言願貸糧米居所保峒中時楊畋  
復為湖南鈐轄詔趨韶州山下與廣南東西轉運  
使共告諭之使以兵械上官質其親屬詔補唐和盤



知諒房承袂承泰文運等五人為峒主授銀青光祿大夫檢校國子祭酒兼監察御史武騎尉知諒等蓋唐和黨也至冬其衆悉降皇祐五年邵州蠻舒光銀因湖南安撫司自陳捍禦之勞願於峒中置中勝州詔可嘉祐二年羅城峒蠻寇澧州發兵擊走之三年以施州蠻向永勝所領州為安定州五年以邵州蠻楊光倩知徽州光倩通漢之子也通漢慶曆初嘗入貢既死光倩襲之舊制溪峒知州卒承襲者許進奉行州事撫遏蠻人及五年安撫司為奏給敕告至是光倩行州事七年無他過故命之

列傳卷第二百五十一

列傳卷第二百五十三

宋史四百九十四

開府儀同三司上柱國兼國軍事前書右丞相兼樞密使領經筵事都總裁臣脫等奉

勅修

蠻夷二

西南溪峒諸蠻下

梅山峒

誠徽州

南丹州

紹興三年臣僚言武岡軍溪峒舊嘗集人戶為義保蓋其風土習俗服食器械悉同徭人故可為疆場捍蔽雖曰籍之於官然亦未嘗遠戍靖康間調之以勤王其後湖南盜起征斂百出義保無復舊制困苦不



勝乃舉其世業客依蠻峒聽其繇復州縣猶驗舊籍  
催科胥隸及門則挈家遠徙官失其稅蠻獠日強兼  
武岡所屬三縣悉為徭人所有遠戍之實已無而鄉  
戶弩手之名尚在歲取其直人戶咨怨乞擇本路監  
司詳議以聞詔從之四年辰州言歸明保靜南渭永  
順三州彭儒武等久欲奉表入貢詔以道路未通俾  
荆湖北帥司慰諭免赴闕遣人持表及方物赴行在  
仍優賜以答之九月詔荆湖南北路溪峒頭首土人  
及主管年滿人合給息賜俾各路帥司會計覆實以  
聞六年知鼎州張鑿言鼎澧辰沅靖州與溪峒接壤

祖宗時嘗置弓弩手得其死力比緣多故遂皆廢闕  
萬一變夷生變將誰與捍禦今雖各出良田募人以  
補其額率皆豪強遺僮奴實名籍中乘時射利無益  
公家所宜汰去則募溪峒司兵得三百人俾加習練  
足為守禦給田募人開墾以供軍儲詔荆湖北路帥  
司相度以聞帥司言管田四州舊置弓弩手九千一  
百一十人練習武事散居邊境鎮撫蠻夷平居則事  
耕作緩急以備戰守深為利便靖康初調發應援河  
東全軍陷沒今辰沅澧靖等州之兵防守竊慮蠻夷  
生變叵測若將四州弓弩手減元額定為三千五百



入辰州置千人沅州置千五百人澧州靖州各置五百人分處要害量給土田訓練以時耕戰合度庶可備禦以所餘閑田募人耕作歲收其租其於邊防財賦兩得其便可為經久之計詔從之七年六月張翥言湖外自靖康以來盜賊盤踞鍾相楊太山雷德進等相繼叛澧州所屬尤甚獨慈利縣向思勝等五人素號溪峒歸明誓掌防拓卒能保境息民使德進賊黨無所剽掠思勝後竟殺德進會官軍招撫劉智等而彭永健彭永政彭永全彭永勝及思勝共獻糧助官軍招復諸山四十餘柵宣力効忠功居多宜加恩

賞詔思勝等五人各轉兩沓九月詔荆湖廣南路溪峒頭首土人內有子孫應襲職名差遣及主管年滿合給恩賜之數俾帥司取會覈實以聞九年宜章峒民駱科作亂寇郴道連桂陽諸州縣詔發大兵往討之獲駱科餘黨歐幼四等復叛據藍山寇平陽縣遣江西兵馬都監程師回討平之十年承信郎琴州溪峒楊進顯等率族屬歸生界五百餘戶疆土三百餘里獻累世所造兵器及金爐酒括各一求入覲詔本路帥司敷遣以行十二年詔以施州南若路夷人向再健襲父思遷充銀青光祿大夫檢校國子祭酒兼



監察御史武騎尉知懿州事十四年十月湖南安撫使劉昉奏武岡軍徭人有父子相殺者宜出兵助其父俾還省地上以問輔臣秦檜檜曰恐輕舉生事帝曰恩威不可偏廢可懷則示之以恩否則威之不侵省地則已或有所侵奈何不舉俾知所畏哉十二月成忠郎充武岡軍綏寧縣管界都巡檢兼溪峒首領楊進京率其族三百人備黃金朱砂方物求入貢先遣其子孝友陳請詔本路帥司閱舊制以聞給孝友錢三百貫俾還聽進上十五年楊進顯復求入貢以武岡軍不時敦遣為言詔本路帥司閱實應龍人姓

名采上併促進顯入覲四月廣南東路提刑黃元言溪峒巡檢尉若官不嚴守備縱民與徭交通恐啓邊釁乞詔有司申嚴法令俾帥臣監司常加覺察宰臣以為沿邊互市恐不宜禁絕帝曰往年禁西夏互市遂至用兵可令帥司裁決前知全州高楫言徭人今皆微弱不敢先侵省地若官每縱人深入略其財物遂致乘間竊發宜詔與溪峒接壤州郡毋侵徭人庶使邊民安業以廣陛下柔遠好生之德帝從其言詔守臣一遵成法務在撫綏二十四年禽楊正修及其弟正拱送理寺獄鞫治斬之初正修侍其父再與



入覲獻還省民疆土遂命以管建炎後與弟正拱率  
 九十團峒瑶人出武岡軍縱火殺掠民財為亂紹興  
 間潭州帥司嘗招徠之後復作亂屢抗官軍至是伏  
 誅二十八年七月楊進京等復求入貢詔以道遠慰  
 諭之優其賜與隆興初右正言尹穡言湖南州縣多  
 隣溪峒省民徃徃交通徠人擅自易田豪猾大姓或  
 詐匿其產徠人以避科差內虧國賦外滋邊患宜詔  
 湖南安撫司表正經界禁民毋質田徠人詐匿其產  
 徠人者論如法仍沒入其田以賞告發者田前賣  
 徠人俾為別籍毋遺奪詔從其言

帝從其言乾道元年宜章峒賊李金陷郴州焚桂陽  
 軍州將棄城遁衡州調常寧縣兵救之弗克世忠峒  
 李昂霄者率壯丁禦賊民恃以安湖南提舉常平鄭  
 丙請發鄂渚軍討賊平之昂霄以功補承節郎管轄  
 衡州常寧縣溪峒及官其子當年俾後得襲職三年  
 靖州界徠人姚明教等作亂詔荆鄂駐劄明椿選將  
 率精銳千人會屯戍官合擊之能立功者有厚賞八  
 月詔平溪峒互市鹽米價聽民便毋相抑配其徠人  
 歲輸身丁米務平收無取羨餘及折輸錢違者論罪  
 十一月南郊禮成詔以緣邊溪峒州縣失於拊循致



懷反側或逃竄山谷其在赦恩以前並加寬宥能復業者罪一切置不問互市如故悉聽其便守臣常加撫問以稱綏遠之意四年二月詔湖南北四川二廣州軍應有溪峒處務先恩信綏懷毋弛防閑毋襲科擾毋貪功而啓釁委各路帥臣監司常加覺察是月詔禁沿邊姦人毋越逸溪峒誘致蠻獠侵內地違者論如律其不能防閑致越逸者亦罪之湖廣總領周嗣武言邊事如二年四月之詔帝嘉納之是歲田彥古死子忠佐襲職授銀青光祿大夫檢校散騎常侍知溪峒安化州兼監察御史飛龍騎尉六年廬陽

據獠楊添朝寇邊知沅州孫叔傑調兵數千討之賊績死者十七八初獠入與省戶交爭殺二人死叔傑輒出兵破其十三柵奪還所侵地於是獠人相結為亂諸司請調常德府城兵三百人益官兵三千人合擊討之宰臣虞允文奏曰蠻夷為變皆守臣貪功所致今獠人仇視守臣若更去叔傑量遣官軍示以兵威徐與盟誓自可平定帝允其奏俾葉行代叔傑開示恩信諭以禍福遂招降之邊境悉平前知武岡軍趙善穀言武岡與湖北廣西隣壤為極邊之地溪峒七百八十餘所七峒隸綏寧縣五溪峒隸臨江縣紹



興三十年減冗員改縣為臨口若然五峒之徭俗尤  
獷悍蠻生毫髮則操戈相讎若官不能為輕重况本  
軍巡防若柵惟真良三門兵溪香平有土軍可備守  
禦餘有官無兵其闕缺武陽等若設巡檢二員徒費  
廩祿以臣所知宜復臨口若為縣則徭蠻易於制服  
汰去冗員則官廩亦無虛費實邊郡之利也七年前  
知辰州章才邵上言辰之諸蠻與羈縻保靜南謂永  
順三州接壤其蠻酋歲貢溪布利於回賜頗覺馴伏  
盧溪諸蠻以靖康多故縣無守禦狃於乘隙焚劫後  
徙縣治於沅陵縣之江口蠻酋田仕羅龔志能等

雄據其地沅陵之浦口地平行膏腴多水田頃為徭  
蠻侵掠民皆轉徙而田野荒穢會守猝無遠慮乃以  
其田給靖州狃於楊姓者俾佃作而課其租所獲甚  
微楊氏專其地將二十年其地當沅靖二州水陸之  
衝一有蠻隙則為害不細臣謂宜預為之備靖康前  
辰州每歲蒙朝廷賜錢七萬貫紬絹布共八千一百  
匹綿一萬七千兩是時本州廂禁軍一千四百餘人  
沿邊一十六砦土兵六百餘人皆可贍給其後中外  
多故今歲賜止得一萬二千緡而本州財復匱乏無  
以充召募之費禁軍止二百一十餘人諸砦土兵止



一百五人甚至若官有全無一兵而徒存虛名者其於邊防豈可不為深慮若歲增給民錢一萬俾本州募強壯禁軍或效用二百人分屯盧溪等處以防諸蠻庶使邊患永消可免異時調遣之費書奏詔湖北帥臣詳議以聞是年申嚴邊民售田之禁守令不能奉法者除名部刺史常加糾察八年知貴州陳乂上疏言臣前知靖州時居蠻夷腹心民不服役田不輸賦其地似若可棄然為重湖二廣保障實南服之要區也或控制失宜或金穀不繼或兵甲少振蠻獠則乘時竊發勤勞王師朝廷當重守臣之選崇寧初

兵三千人建炎以來每於都統司或帥司摘兵二三人以備屯戍其凶悍者以州郡不能制遂慢守臣反通徭蠻以撓編民州郡非白主帥不敢治比得報已晚矣故戍兵敢肆其惡一旦有警復安能為用臣以為宜聽守臣節制為便帝嘉其言復問左右曰靖隸湖北今聞仰給廣西何也趙雄對曰靖州本溪洞神宗時初為誠州元祐間廢尋復為軍徽宗朝始改靖州與桂府為鄰故令廣西給其金穀之費近歲漕司匱乏乃責辦諸州以故不能如約宜復舊制俾廣西漕臣如期饋運靖州屯戍官兵聽守臣節制於事為



便帝從之十年四月全州上言本州密邇溪峒邊民本非姦惡其始朝廷禁法非不嚴密監司州郡非不奉行特以平居失於防閑故馴致其亂又兼溪谷山徑非止一途如靜江興安之大通虛武岡軍之新寧益溪及八十里山永州之東安皆可以徑達溪峒其地綿亘郡邑非一州得專約束故遊民惡少之棄本者商旅之避征稅者盜賊之亡命者徃徃由之以入萃為淵藪交相鼓扇深為邊患如武岡楊再興桂陽陳峒相繼為亂實原於此為今計者宜徙閑地巡檢兵及分遣士卒屯諸溪谷山徑間俾湖南北廣西

憲總其役庶幾事權有歸號令可行也儒林郎李士性上言比年猺蠻為亂邊吏慮妨賞格徃徃匿不以聞遂致猖獗使一方民命寄於猺人之手誠可哀憫近如梁年等寇沅州劫墟市殺戮齊民州縣告急於兩月之後比調官軍討捕俘降其賊而人之被害已酷矣宜戒州縣或遇猺人竊發畫時以聞違者論罪仍命監司帥臣常加覺察庶幾先事備禦俾猺人亦知畏懼不敢侵軼以傷吾民也十一年詔給事中中書舍人戶部長貳同勅令所議禁民毋質猺人田以奪其業俾能自養以息邊釁從知沅州王鎮之請也



沅州生界屹矜副峒官吳自由子三人貨丹砂麻陽  
縣巡檢唐人傑誣為盜執之送獄自由率峒官楊友  
祿等謀為亂帥司調神勁軍三百人及沅州民兵屯  
境上聲言進討先遣歸明官田思忠往招撫之以孔  
目官為質世祿等既盟自由取其三子以歸嘉泰三  
年前知潭州湖南安撫趙彥勵上言湖南九郡皆接  
溪峒蠻夷叛服不常深為邊患制馭之方豈無其說  
臣以為宜擇素有知勇為蠻人所信服者立為酋長  
借補小官以鎮撫之況其習俗嗜欲悉同蠻人利害  
情偽莫不習知故可坐而制服之也五年之間能立

勞効即與補正彼既榮顯其身取重鄉曲豈不自  
盡忠公家哉所謂捐虛名而收實利安邊之上策也  
帝下其議既而諸司復上言往時溪峒設首領峒主  
頭角官及防遏指揮等使皆其長也比年徃徃行賄  
得之為害滋甚今宜一新蠻夷耳目如趙彥勵之請  
所謂以蠻夷治蠻夷策之上也帝從之嘉定元年郴  
州黑風峒徭人羅世傳寇邊飛虎統制邊寧戰沒江  
西湖南驚擾知隆興趙希懌知潭州史彌堅共招降  
之二年李元礪羅孟二寇江西攻破龍泉縣李再興  
戰敗死之江州駐劄都統制趙選亦戰死初吉州獲



賊長七人繫獄土豪黃從龍為賊畫策賂吉守李綱  
 得縱還賊遂無所忌有侯押隊者領兵戍龍泉境上  
 元礪復用從龍計推牛釀酒以犒官軍賊至官軍皆  
 醉狼狽散走寇之初起甚微賊伺知議論不一故玩  
 侮官軍方江西力戰則求降湖南湖南戰則求降江  
 西牽制王師使不得相應援其後命工部侍郎王居  
 安知豫章擒獲之溪峒略平五年臣僚上言辰沅靖  
 等州舊嘗募民為弓弩手給地以耕俾為世業邊陲  
 獲保障之安州縣無轉輸之費比年多故其制寔弛  
 猺蠻因之為亂沿邊諸郡悉受其害比申朝廷調

招捕曠日持久蠻夷習玩成其猖獗之勢其如楊  
 臺李全姚明教羅孟二季元礪陳廷佐之徒皆近事  
 之明驗也為今計者宜講舊制可紓饋餉之勞而得  
 備禦之實其安邊息民之長策歟七年臣僚復上言  
 辰沅靖三州之地多接溪峒其居內地者謂之省民  
 熟戶山猺峒丁乃居外為捍蔽其初匿處詳密立法  
 行事悉有定制峒丁等皆計口給田多寡闕狹疆畔  
 井井擅鬻者有禁私易者有罰一夫歲輸租三斗無  
 他繇役故皆樂為之用邊陲有警衆庶雲集爭負弩  
 矢前驅出萬死不顧比年防禁日弛山猺峒丁得私

宋史四百九十九

卷之九

趙鼎新寫



字四百一十一  
售田田之歸於民者常賦外復輸稅公家因資之以為利故謾不加省而山徭峒丁之常租仍虛掛版籍責其償益急徃徃不能聊生反寄命徭人或導其入寇為害滋甚宜勅湖廣監司檄諸郡俾循舊制毋廢庶邊境綏靖而遠人獲安也

梅山峒蠻舊不與中國通其地東接潭南接邵其西則辰其北則鼎澧而梅山居其中開寶八年嘗寇邵之武岡潭之長沙太平興國二年左甲首領苞漢陽右甲首領頓漢凌寇掠邊界朝廷累遣使招諭不聽命客省使翟守素調潭州兵討平之自是禁不得

漢民交通其地不得耕牧後有蘇方者居之數侵舒向二族嘉祐末知益陽縣張頡收捕其黨黥符三等遂經營開拓安撫使吳中復以聞其議申格湖南轉運副使范子奇復奏蠻恃險為邊患宜臣屬而郡縣之子奇尋召還又述前議熙寧五年乃詔知潭州潘夙湖南轉運副使蔡燁判官喬執中同經制章惇招納之惇遣執中知全州將行而大田三砦蠻犯境又飛山之蠻近在全州之西執中至全州大田諸蠻納款於是遂檄諭開梅山蠻徭爭闢道路以待得其地東起寧鄉縣司徒嶺西抵邵陽白沙砦北界益陽



四里河南止湘鄉佛子嶺籍其民得至客萬四千八百九戶萬九千八十九丁田二十六萬四百三十六畝均定其稅使歲一輸乃築武陽開峽二城詔以山地置新化縣并二城隸邵州自是鼎澧可以南至邵誠徽州唐溪峒州宋初楊氏居之號十峒首領以其族姓散掌州峒太平興國四年首領楊蘊始來內附五年楊通寶始入貢命為誠州刺史淳化二年其刺史楊政巖復來貢是歲政巖卒以其子通塏繼知州事熙寧八年有楊光富百率其族姓二十三州峒歸附詔以光富為右班殿直昌運五人補三班奉

情等十六人補三司軍將繼有楊昌銜者亦願罷奉出租賦為漢民詔補為右班殿直子弟姪十八人補授有差獨光僭頗負固不從命詔湖南轉運使朱初平羈縻之未幾亦降乃與其子日儼請於其側建學舍求名士教子孫詔潭州長史朴成為徽誠等州教授光僭皇城使誠州刺史致仕官為建宅置飛山一帶道路巡檢光僭未及拜而卒遂以贈之錄其子六人元豐三年知邵州關杞請於徽誠則融嶺擇要害地築城砦以絕邊患詔湖南安撫謝景溫轉運使朱初平判官趙揚商度以聞景溫等以為宜如杞言



乃議誠州以沅州貫保砦為渠陽縣隸之以徽州為  
蔣竹縣隸邵州趙揚言上江多星銅鼓羊鎮潭溪上  
和上誠天村大田等團並至誠州城下貿易可漸招  
撫并乞下湖南邵州蔣竹縣招諭芙蓉萬驛諸團從  
之徙誠州治渠陽而貫保為砦如故上江等諸團果  
皆納上於是增築多星等砦還連徽廣西融州王口  
砦焉元祐二年改誠州為渠陽軍罷兩州兵馬及守  
禦民丁有楊晟臺者乘間寇文村堡知渠陽軍胡田  
措置亡術蠻結西融州蠻砦粟仁催往來兩路為民  
患調兵屯渠陽至萬人湖南亦增屯兵應援三路俱

驚朝廷方務省事盡廢堡砦徹戍守而以其地予蠻  
乃詔湖北轉運副使李茂直招撫又遣唐又同措置  
邊事討之後以渠陽為誠州命光僭之子供備庫使  
昌達供備庫副使楊昌等同知州事而貫保豐山砦  
水等砦皆罷戍擇授士官俾又間毀樓櫓撤官舍護  
領居民入砦崇寧初改誠州為靖州

南丹州蠻亦溪峒之別種也地與宜州及西南夷接  
壤開寶七年酋帥莫洪璿遣使陳紹規奉表求內附  
九年復來貢求賜牌印詔刻印以給之太平興國五  
年洪璿貢銀百兩以賀太平雍熙四年洪璿族人知



寶隆鎮莫淮閩牛一頭逐水草至金城州河池縣宜  
 州牙校周承鑒以其牛耕作淮閩三遣人取牛承鑒  
 不還凡耕十日始釋牛逐水草去淮閩怒領鄉兵六  
 十人劫取承鑒家資財驅縣民莫世家牛六頭以歸  
 誘群蠻為寇上遣供奉官王承緒乘傳劾承鑒具伏  
 占牛詔棄市時知宜州賚善大夫侯汀失於備禦群  
 蠻之擾頗害及民庶詔發諸州兵進討兵未至悉已  
 遁歸汀坐免官詔諭宜融柳州百姓及蠻界人戶曰  
 朕託兆庶之上處司牧之重照臨所暨撫養是均矧  
 於遐陬尤所軫慮昨以知宜州事侯汀失於綏緝恣

其侵牟致茲邊夷起為寇鈔侵騷閩里虔劉士庶及  
 興師而討伐乃畏威而竄伏朕以興戎召釁職由於  
 汀爰舉國章削其官秩汝等所宜體予古垢革乃前  
 非安土厚生保境延世嬉我至化是為永圖或尚恣  
 於陸梁當盡勦其族類自是不復為寇淳化元年洪  
 璿卒其弟洪皓襲稱刺史遣其子淮通來貢銀盃二  
 十銅鼓三面銅印一鈕旗一帖繡真珠紅羅襦一上  
 降優詔賜綵百匹還其襦自洪璿領州十餘年歲輸  
 白金百兩洪皓之襲兄位專其地利不脩常貢其弟  
 洪沅忿之挈妻子來奔宜州洪皓怒其背已數引兵



攻洪沅洪沅與二男并牙將一人乘傳詣闕訴其事請發兵致討上以蠻夷之俗羈縻而已不欲為之典師報怨洪沅先自稱南丹州副使以為邵州團練使給田十頃下詔戒勅洪皓景德二年洪皓死長子淮勅襲父任俄為弟淮迪攻南丹州淮迪帥屬來奔詔宜州賜閑田資給之大中祥符五年宜州言淮迪頗集諸蠻阻富仁監道路上廉知淮迪無侵擾狀遣使犒設撫勞之九年撫水蠻叛詔淮迪約勒溪峒勿從誘脅明年平撫水蠻淮迪等並以勞進秩景祐三年有淮戟者舉族來歸命為湖南州團練副使勅州縣

拊存後淮迪老自言願傳其子世漸至和元年命世漸為檢校散騎常侍權發遣州事明年以淮迪為懷遠大將軍致仕世漸為刺史檢校工部尚書賜袍帶錢十萬絹百匹又補其親黨數十人為檢校官如故事也世漸死嘉祐末命其子公帳襲之有世忍者亦淮迪之子也初率其屬人內附治平初迪歸攻殺公帳奪其地自首請於朝廷願授刺史補其親黨如故事歲輸銀百兩三年遂命為刺史皆如其請熙寧三年猺賊殺人世忍執以獻授檢校禮部尚書元豐三年入貢其印以西南諸道武威軍德政官家明天國



主為文詔以南丹州印賜之今毀其舊印六年大軍討安化世忍獻弓矢自言願世世為外臣脩貢不懈遷檢校戶部尚書給銅牌旗號官其子姪九人世忍死子公佺襲大觀元年廣西經略使王祖道言公佺就擒進築平允從州牧文地蘭那安外習南丹八州之地併為鎮庭孚觀州延德軍以其弟公晟襲刺史宣和四年公晟乞以州事付其姪延豐願與其子歸朝詔從之仍乘驛給券紹興三年公晟攻圍觀州焚寶積監朱勝非奏崇觀宣和間所開新邊比來徃往棄而不守帥臣監司屢言觀州為控扼之地不宜棄

帝曰前日用事之臣貪功生事公為欺罔其實勞費財使遠俗不安也又用廣南經略安撫使劉彥適言以公晟知南丹州兼溪峒都巡檢使提舉盜賊公事給以南丹州刺史舊印公晟未受命二十四年公晟始貢馬率諸蠻來歸帝諭輔臣曰得南丹非為廣地也但徭人不叛百姓安業為可喜耳遂以延沈襲公晟職授銀青光祿大夫檢校太子賓客使持節南丹州諸軍事南丹州刺史兼御史大夫知南丹州公事武騎尉廣西經略安撫使呂愿中諭降諸蠻三十一種得州二十七縣一百三十五砦四十峒一百七



十九及一鎮三十二團皆為羈縻州縣二十五年延  
沈進補團練防禦二使三十一年延沈恣行慘酷為  
諸蠻所逐歸死省地衆推延廩襲職隆興二年延廩  
復為諸蠻所圖携家歸朝經略司奏以延甚襲職淳  
熙元年南丹為永樂州所攻使來告急廣西帥臣遣  
將領陳泰權天河縣主簿徐彌高諭和之十四年經  
略司奏以延廩襲職詔從其請嘉泰五年延廩之子  
光熙襲職知南丹州事

列傳卷第二百五十三

列傳卷第二百五十四

宋史四百九十五

開禧後司上柱國軍國事書前書哀和穆國是類經軍事都總裁

勅修

蠻夷三

撫水州

廣源州

黎洞

環州

撫水州在宜州南有縣四曰撫水曰京水曰多逢曰  
古勞唐隸黔南其酋皆蒙姓同出有上中下三房及  
北遐一鎮民則有區廖潘吳四姓亦種水田採魚其  
保聚山險者雖有畝田收穀粟甚少但以藥箭射生



取鳥獸盡即徙他處無羊馬桑柘地曰帚洞五十里至前村川原稍平合五百餘家夾龍江居種稻似湖湘中有樓屋戰棚衛以竹柵即其酋所居兵器有環刀標牌木弩善為箭中者大叫信宿死得邕州藥解之即活雍熙中數寇邊境掠取民口畜產詔書招安補其酋蒙令地殿直蒙令札奉職咸平中又數為寇盜止令邊臣驅逐出境其黨狡獪者凡三十餘人宜州守將因擒送闕下上召見詰責之對曰臣等蠻陬小民為饑寒所迫耳上顧謂左右曰昨不欲盡令殺戮顧無咍類矣因釋罪賜錦袍冠帶銀綵戒勅遣之

逾年酋長蒙頂等六十五人詣闕納器甲百七十事又蒙漢誠蒙虔瑋蒙填來朝上器甲數百及毒藥箭誓不搔邊比歲皆遣使來貢及輸兵器乃授漢誠官賜物有差既而侵軼如故景德三年蠻酋蒙填詣宜州自陳願朝貢謝罪詔守臣諭以盡還所掠民貲畜乃從其請大中祥符六年酋領指揮使蒙但挈族來歸徙於桂州九年數寇宜融州界轉運使俞獻可言知宜州董元巳不善綏撫昨蠻人饑來質餼糧公縱主者剋剥聚量及求入貢復驟沮其意遂使忿恚為亂詔出元巳遂遣潭州都監李守睿代元巳招撫羣



蠻拒命侵掠不已獻可請以本道澄海軍及募丁壯  
進討乃詔益以潭州兵五千人命東染院使平州刺  
史曹克明為宜融等州都巡檢安撫使內殿崇班王  
文慶閣門祗候馬玉內供奉官楊守珎等為都監上  
猶以蠻夷異類攻剽常理不足以勦絕又意其道險  
難進師第令克明獻可設方略攝其首首索所鈔生  
口因而撫之克明獻可上言蠻人去冬寇天河今又  
鈔融州廂陽諸砦剽劫居民害巡檢樊明累依宣旨  
詔諭曾不悛革臣請便宜掩擊從之克明乃與守珎  
領兵入樟嶺路文慶玉趨宜州西路又令宜桂都巡

檢程化鵬取樟嶺古罕隘路會合化鵬遇蠻於上房  
兩水口擊破之文慶玉至如門團為蠻所扼不能進  
克明守珎乃過橫溪息德砦名山猿嚮導開路進師  
蠻依篁竹間時出戰鬪輒敗走旬餘上黃泥嶺杉木  
隘路溪谷險邃蠻據要害以拒官軍自辰至午大潰  
其黨遂過霸苑抵帝洞乃入中房前村克明等頓兵  
下砦中夕羣蠻大譁譟擊鉦鼓攻砦甚急出兵擊之  
傷殺頗衆因縱火焚其廬室積聚自此恐懼竄入山  
谷又緣龍江南岸而東至昏暮過石峽隘險士不並  
行蠻復連弩北岸克明遣猛士步涉與鬪至即退走



四百一十  
若于下房博賀村克明設伏若外其夜蠻衆大集遇  
伏發內外合擊追斬殆盡乘勝搜山悉得馬牛亭士  
卒克明等知其窮蹙乃曉諭思信許以改過於是酋  
帥蒙承貴等面縛詣軍自首克明厚加犒宴且數責  
之皆俯伏謝罪及聞詔旨赦令勿殺莫不泣下北望  
稱萬歲上以夷性無厭習知朝廷多釋其罪故急則  
來歸緩則叛去切詔克明等諭以悉還所掠漢口資  
畜即許要盟承貴等感悅奉詔乃歃血立誓自言  
奴山摧倒龍江西流不敢復叛克明等師還宜州蠻  
人納器甲凡五千數願遷處漢地者七百餘口詔分

置廣西及荊湖州軍給以田糧凡立功使臣將士遷  
補賜賚者千八百一十六人承貴因請改州縣名以  
固歸順之意詔以撫水州為安化州撫水縣為歸仁  
縣京水縣為長寧縣自是間歲朝貢不復為邊患矣  
獻可等又言殿直蒙肚知歸化州州與撫水相接數  
遣子文寶及其妻族甘堂偵軍事又其子格與官軍  
鬪敵悉部送赴闕有蒙隻者亦肚之子先嘗告賊署  
為昭州押牙詔補肚密州別駕隻海州都押牙賦以  
官田文寶格甘堂並黥配登萊州寶元元年復率衆  
寇融宜州發邵澧潭三州戍兵合數千人往擊時蠻



勢方熾至殺運糧官吏復詔趣兵進討踰年乃平慶曆中再以方物入貢至和二年復至詔以知州蒙全會為三班奉職又以監州姚全料為借職嘉祐六年又來貢是後月赴宜州參謁及賀巨報每歲州四管犒及三歲聽輸所貢兵械於思立砦以其直償之邇以官資遷補熙寧初知宜州錢師孟通判曹覲擅裁損侵剝之士人羅世念蒙承想蒙光仲等為亂五年攻德謹砦襲將官賈萬殺之經略司問致寇狀而宜州但以飢為言故朝廷賜粟二萬石以安輯之已而守臣王竒戰死事聞乃詔知沅州謝麟帶御器械和

斌經制溪洞發在京驍騎兩管及江南福建將兵三千五百人以聽師期明年世念等遂與諸蠻峒首領族類四千五百人出降以世念為內殿承制承想光仲等十八各拜官崇寧二年其酋蒙光有者復嘯聚為寇經略司遣將官黃忱等擊卻之大觀二年遂以三州一鎮戶口六萬一千來上詔以知融州程鄰往黔南路撫諭官吏推息有差至和後又有融州屬蠻大丘峒首領楊光朝請內附又有楊克端等百三人采歸皆納之諸蠻族類不一大抵依阻山谷並林木為居推髮跣足走險如履平地言語侏離欠服編爛



畏鬼神喜淫祀刻木為契不能相君長以財力雄彊  
 每忿怒則推刃同氣加兵父子間復讎怨不顧死出  
 入腰弓矢匿草中射人得牛酒則釋然矣親戚比隣  
 指授相賣父子別業父貧則質身於子去禽獸無幾  
 其族鑄銅為大鼓初成懸庭中置酒以召同類爭以  
 金銀為大釵叩鼓去則以釵遺主人相攻擊鳴鼓以  
 集衆號有鼓者為都老衆推服之唐末諸酋分據其  
 地自為刺史宋興始通中國奉正朔脩職貢間有桀  
 黠貪利或疆吏失於撫御往往聚而為寇抄掠邊戶  
 朝廷禽獸畜之務在羈縻不深治也熙寧間以章惇

察訪經制蠻事諸溪峒相繼納土願為王民始荆城  
 若比之內地元祐初諸蠻復叛朝廷方務休息乃詔  
 諭湖南北及廣西路並免追討廢堡砦棄五溪諸郡  
 縣崇寧間復議開邊於是安化上三州及思廣諸峒  
 蠻夷皆願納土輸貢賦及令廣西招納左右江四百  
 五十餘峒尋以議者言以為招致熟蕃非便乃詔悉  
 廢所置州郡復祖宗之舊焉紹興初監察御史明橐  
 言湖南邊郡及二廣之地舊置溪峒歸明官比年寢  
 廣其員及諸州措置隘砦闕人把拓又令管押兵夫  
 素不習知法令率貪婪無厭况管押又皆鄉民甚為



四百一十人  
邊患遭困苦折辱者往往無所赴愬議者欲俾即臣籍其姓名每三年一遷易如州縣官故事或云止循舊添差並罷管押兵夫宜令二廣湖南帥臣處置適宜無啓邊禍以害遠人詔下其議三年安化蠻蒙全劔等八百人劫普議砦火其屋宇廣西帥臣遣縣砦將佐發兵討平之四年廣南東西路宣諭明橐言平觀二州本王口高峯二砦處廣右西偏舊常無虞崇寧大觀間邊臣啓橐奏請置州拓境深入不毛如平從允孚庭觀溪馴叙樂隆允等十有二州屬之黔南其官吏軍兵請給費用悉由內郡於是騷然莫能支

吾政和間朝廷始悟其非罷之或者謂平州為西重鎮兼制王江從允等州及湖南之武岡軍湖北之靖州桂州之桑江峒徭觀州則控制南丹陸家砦茆灘十道及白崖諸蠻以故二州獨不廢臣自歷邊即乞罷平觀者前後非一內攝官吳芾嘗充經略司準備幹當頗得其詳觀州初為宜州富仁監大觀間帥臣王祖道欲招納文蘭州都巡檢劉惟忠謂得文蘭不若取南丹之利因誣其州莫公佞阻文蘭不令納土為公佞罪惟忠遂禽殺公佞帥司奏其功乃改南丹為觀州命惟忠守之公佞之死人以為冤其弟公

朱史四百九十五  
趙維新寫



四百八十八  
宋史四百九十五  
王保孫  
晟結溪洞圖報復連歲攻圍惟忠中傷死繼以黃璘  
代守璘度不能支辭疾告罷以岑利疆代之黃忱復  
建議欲增築高峯砦於富仁監側為觀聲援會朝廷  
罷新邊遂請以高峯砦為觀州設知州一人兵職官  
二人曹官一人指使砦保官七人吏額五十人廂禁  
軍土丁家丁又千餘人歲費錢一萬二千九百餘貫  
米八千八百一十七石有奇州無稅租戶籍皆仰給  
鄰郡飛輓涉險阻或遇蠻寇設伏陰發毒矢中人輒  
死人畏賊率委棄道路縱然達州糜費亦不可勝計  
昔為富仁監時不聞有警惟是邊吏欲以刺探為功

故時時稱警急因以為利遂欲存而不廢也比年戶  
籍日削民多流離或轉入溪洞公私困弊為甚平州  
初隸融州亦羈縻州峒也舊通湖北渠陽軍置融江  
砦及文村臨溪潯江堡後以地隔生蠻遂廢崇寧間  
復隸融五口砦地接王江更為懷遠軍後更為平江  
州更吉州為從州王江為允州並隸黔南政和二年  
復廢邊吏黃忱李坦誑其帥臣程鄰乞存平州設知  
州一人兵職官二人曹官一人縣令簿二人提舉溪  
峒公事本州管界都同巡檢二人五砦堡監官指揮  
十人吏額百人禁軍土丁千人歲費錢一萬四千四



百一十八貫六百文米一萬一千一百二十五石有奇州無租賦戶籍轉運司歲移桂融象柳之粟以給之及徙融州西北金溪鄉稅米四百九十餘石隸懷遠廢實甚於觀州况守臣到任即奏推恩其子州縣砦堡例得遷官酬賞而稅場互市之利又為守臣邊吏所私獨百姓有征戍轉輸之苦誠為可憫臣以為宜罷平觀二州便然尚有可議者觀州初為富仁監時有銀冶二官取其利有常額熙寧元降條例具在宜先下經略司責公晟等依熙寧條例施行况公晟實公佞弟理宜掌州事近雖外歸未為蠻族信服

其情勢不得不倚重中國若乘時授之彼知息出朝廷必深感悅樞密院亦上言廣西沿邊堡砦昨因邊臣希賞改建州城侵擾蠻夷大開邊釁地屬徼外租賦亦無所入而支費煩內郡民不堪其弊遂皆廢罷唯平觀二州以帥臣所請故存今觀明彙所奏利害之實昭然可見緣帥臣又稱公晟於南丹觀州寶監境上不時竊發若廢二州恐於緣邊事宜有所未盡詔令廣南西路帥漕憲司共條具利害以聞既而諸司交言平觀二州困弊已甚有害無益請復祖宗舊制便詔從其言乾道六年詔補蒙澤進武副尉初



宜州蠻莫才都為亂廣西經略劉焯遣進勇副尉蒙  
明質賊巢諭降才都既而復肆猖獗成賊官兵未幾  
禽才都械送經略司伏法悉破其黨而明亦遇害備  
極慘酷邊人憐之焯乞推恩其子澤以旌死事朝廷  
從之故有是命淳熙十年冬安化蠻突入內地焚砦  
柵殺居民為亂宜州駐劄將官田昭明與蠻力戰敗  
死之十一年廣西路鈐轄沙世堅言官軍與徭人兵  
器利鈍不同宜勦沿邊軍州多置強弩毒矢以懼徭  
人從之是年安化蠻蒙光漸率眾抄掠世堅討平之  
初知宜州馬寧和文不支息立砦鹽錢執議以為前守

所積逋止給錢一月不能遍及蠻部而權思立砦准  
備將領楊良臣復鎮撫垂方遂致激變光漸等詔罷  
良臣貶寧祖秩勅帥漕以時給溪峒鹽錢十二年正  
月廣西漕臣胡庭直上言邕州之左江永年太平等  
砦在祖宗時以其與交趾鄰壤實南邊藩籬重地故置  
州縣籍其丁壯以備一旦之用規模宏遠矣比年邊  
民率通交趾以其地所產鹽雜官鹽貨之及減易馬  
鹽以易銀忽而不防恐生邊釁所宜禁戢既而諸司  
上言經略司初準朝旨置馬鹽倉貯鹽以易馬歲給  
江上諸軍及御前投進用銀鹽錦悉與蠻互市其永



平砦所易交趾鹽貨居民食皆舊制也况邊民素與蠻夷私相貿易官不能制今一切禁絕非惟左江居民之鹽而蠻情亦叵測恐致乖異也乃牒邕州禁民毋私販交趾鹽以妨鈔法是年詔以楊世俊襲父進通職補承信郎紹熙初廣西帥以本路副總管沙世堅素有韜略累立邊功為羣蠻所畏服嘗破蒙光漸示以威信光漸不敢寇邊者累年乞以世堅兼知宜州實能制伏蠻夷為久遠之利帝從之慶元四年宜州蠻蒙峒袁康等寇內地敎官鹽為亂廣西帥司調官兵招降之朝廷推賞有差嘉定三年章戡知靜江

府建議以為廣西所部二十五郡三方鄰溪峒與羶黎蛋雜處跳梁負固無時無之西南最為重地邕欽之外羈縻七十有二地里綿邈鎮戍非一請增置雄邊軍二百人及調憲司甲軍二百隸帥司初安平州李密侵鄰峒劫掠編民併取古甌峒以其幼子變姓名為趙懷德知峒事戡諭邕守推古甌一人主之十一年臣僚復上言慶曆間張方平嘗以為朝廷每備西北孰不知羶蠻衝突嶺外南鄰交趾勢須經營唐時西備吐蕃其後安南寇邊旋致龐勛之禍國朝每慮契丹元昊而儂智高陷邕州南徼騷動天子為



字三百九十六  
之肝食豈細故哉臣等比見淮甸間版築荐興更戍  
日益而廣南城隍摧圯不葺戍兵逃亡殆盡春秋教  
閱郡無百人雖有鄉兵義丁土丁之名實不足用緩  
急豈能集事宜於嶺南要地增築城堡籍其民兵歲  
時練習定賞罰格以示懲勸如此則號令嚴明守禦  
完固民習戰鬪可息徭蠻侵掠之患措四十州民於  
久安之域矣詔從之

廣源州蠻儂氏州在邕州西南鬱江之源地峭絕深  
阻產黃金丹砂頗有邑居聚落俗椎髻左衽善戰鬪  
輕死好亂其先韋氏黃氏周氏儂氏為首領互相劫

掠唐邕管經略使徐申厚撫之黃氏納質而十三部  
二十九州之蠻皆定自交趾蠻據有安南而廣源雖  
號邕管羈縻州其實服役於交趾初有儂全福者知  
儂猶州其弟存祿知萬涯州全福妻弟儂當道知武  
勒州一日全福殺存祿當道并有其地交趾怒舉兵  
執全福及其子智聰以歸其妻阿儂本左江武勒族  
也轉至儂猶州全福納之全福見執阿儂遂嫁商人  
生子名智高智高生十三年殺其父商人曰天下豈  
有二父耶因冒儂姓與其母奔雷火洞其母又嫁特  
磨道儂夏卿久之智高復與其母出據儂猶州建國



曰大曆交阯攻拔儻猶州執智高釋其罪使知廣源  
州又以雷火頻婆四洞及思浪州附益之居四年內  
怨交阯襲據安德州僭稱南天國改年景瑞皇祐元  
年寇邕州明年交阯發兵討之不克廣西轉運使蕭  
固遣邕州指使开贊往刺候而贊擅發兵攻智高為  
所執因問中國虛實贊頗為陳大略說智高內屬乃  
遣贊還奉表請歲貢方物未聽又以馴象金銀來獻  
朝廷以其役屬交阯拒之後復齎金函書以請知邕  
州陳珙上聞不報智高既不得請又與交阯為仇且  
擅山澤之利遂招納亡命數出救衣易穀食給言同

中飢部落離散邕州信其微弱不設備也乃與廣州  
進士黃瑋黃師宓及甘其黨儂建侯儂志忠等日夜謀  
入寇一夕焚其巢穴緝其眾曰平生積聚今為天火  
焚無以為生計窮矣當拔邕州據廣州以自王否則  
兵死四年四月率眾五千沿鬱江東下攻破橫山砦  
遂破邕州執知州陳珙等兵死千餘人智高閱軍資  
庫得所上金函怒謂珙曰我求一官統攝諸部汝不  
以聞何也珙對嘗奏不報索奏草不獲遂扶珙出珙  
惶恐呼萬歲求自効不聽乃并其屬及廣西都監張  
立害之立臨刑大罵不為屈於是智高僭號仁惠皇

宋史四百九十五  
趙維新



帝改年啓曆赦境內師宍以下皆稱中國官名是時天下久安嶺南州縣無備一旦兵起倉卒不知所為守將多棄城遁故智高所嚮得志相繼破橫貴龔潯藤梧封康端九州害曹覲于封州趙師旦馬貴于康州餘殺官吏甚衆所過焚府庫進圍廣州初智高將至守將仲簡不許民入保城中民不得入者皆附智高智高勢益張先是魏瓘築剏鑿井畜水作大弩為守備至是智高為雲梯土山攻城甚急又斷流水而城堅井飲不竭弩發中輒洞潰智高力屈會知英州蘇緘屯兵邊渡村拒其歸路番禺縣令蕭注募士

及海上疆壯二千餘人與智高衆裕闔焚其戰艦艦車運使王罕亦自外至益脩守備智高知不可拔圍五十七日七月壬戌解去繇清遠濟江擁婦女作樂而行遇張忠戰于白田忠死之去攻賀州不克夜害蔣偕于太平場九月庚申破昭州害王正倫等于館門驛州之山有數穴大可容數百千人民聞兵至走匿其中智高知之縱火皆焚死十月丁丑破賓州甲申復據邕州日夜伐木治舟楫揚言復趨廣州十二月壬申又敗陳曙于金城驛初智高以反聞朝廷命曙就擊之既而揚旼曹脩張忠蔣偕相繼出又以余靖



四百令卜人  
孫沔為安撫使敗脩聞智高至退軍避之忠借勇而  
無謀皆死智高益自恣南土騷然仁宗以為憂命狄  
青為宣撫使諸將皆受青節制曙恐青至有功亟挑  
戰故敗五年正月青及沔靖會兵賓州官軍土丁合  
三萬一千餘人按軍法誅曙及指揮使袁用等三十  
一人于坐一軍大振於是進兵青將前陣沔將次陣  
靖將後陣以一晝夜絕崑崙關歸仁鋪智高聞王師  
絕險而至出其不意悉眾來拒執大盾標槍衣絳衣  
望之如火青陣少却先鋒孫節死之青起麾蕃落騎  
兵張左右翼出其後交擊左者右右者左已而左者

復左右者復右其眾不知所為大敗走會日暮智  
復趨邕州夜焚城遁由合江口入大理國得屍五千  
三百四十一桀為京觀所掠生口萬餘人復其業獲  
偽印九黃師宓而下偽官五十七人梟其首城上收  
馬牛金帛以鉅萬計智高自起平幾一年暴踐一方  
如行無人之境吏民不勝其毒朝廷為下赦令優除  
復慰拊瘡痍百姓始得更生云先是謠言農家種糴  
家收已而智高叛為青破皆如其謠智高母阿儂有  
計謀智高攻陷城邑多用其策潛號皇太后性慘毒  
嗜小兒肉每食必殺小兒智高敗走阿儂入保特磨



依其夫儂夏卿收殘衆得三千餘人習騎戰復欲入  
 寇至和初余靖督部吏黃汾黃獻珪石鑑進士吳舜  
 舉發峒兵入特磨掩襲之獲阿儂及智高弟智光子  
 繼宗繼封檻至京師初未欲殺日給食飲欲以誘出  
 智高或傳智高死乃悉棄市既而西川復奏智高未  
 死謀寇黎雅州詔本路為備御史中丞孫朴又請劾  
 益州先事經制以安蜀人然智高卒不出其存亡莫  
 可知也儂氏又有宗旦者知雷火洞稍桀黠嘉祐二  
 年嘗入寇知桂州蕭固招之內屬以為忠武將軍又  
 補其子知温悶峒日新為三班奉職七年宗旦父子

請以所領雷火計城諸峒屬縣官願得歸樂州永  
 王民詔各遷一官以宗旦知順安州仍賜耕牛鹽綵  
 是歲儂夏卿儂平儂亮亦自特磨來歸皆其族也日  
 新後嘗監邕州稅治平中宗旦與交趾李日尊劉紀  
 有隙畏偏知桂州陸誥因使人說之遂棄其州內徙  
 命為右千牛衛將軍

有甲峒蠻者亦役屬交趾間出寇邕州景祐三年嘗  
 掠思陵州憑祥峒生口殺登龍鎮將而去嘉祐五年  
 合交趾門州等蠻五千餘人復為寇與官兵拒戰斬  
 首數百詔知桂州蕭固趨邕州發諸郡兵與轉運使



三百八十四  
宋咸提點刑獄李師中合議追討是歲數入寇又詔  
安撫使余靖擊之蘇茂州蠻亦近邕州至和嘉祐中  
皆嘗擾邊

黎峒唐故瓊管之地在大海南距雷州泛海一日而  
至其地有黎母山黎人居焉舊說五嶺之南人雜夷  
獠朱崖環海豪富兼并役屬貧弱婦人服緹縵績木  
皮為布陶土為釜器用甌瓢人飲石汁又有椒酒以  
安石榴花著甕中即成酒俗呼山嶺為黎居其間者  
號曰黎人弓刀未嘗去手弓以竹為弦今儋崖萬安  
皆與黎為境其服屬州縣者為熟黎其居山峒無

徭者為生黎時出與郡人互市至和初有黎人符護  
者邊吏嘗獲其奴婢十人還之符護亦嘗犯邊執瓊  
崖州巡檢慕容允則及軍士至是以軍士五十六人  
與允則來歸允則道病死詔軍士至者貸其罪乾道  
二年從廣西經略轉運司議詔海南諸郡倅守慰撫  
黎人示以朝廷恩信俾歸我省地與之更始其在乾  
道元年以前租賦之負逋者盡赦免之能來歸者復  
其租五年民無產者官給田以耕亦復其租五年守  
倅能慰安黎人及收復省地者視功大小為賞有差  
失地及民者有重罰六年黎人王用休為亂權萬安

宋文四九十五  
卷之四  
黎峒新編



四馬十二个  
軍事同主管本路巡檢孫滋等招降之九年八月樂昌縣黎賊劫省民焚縣治為亂黎人王日存王承福陳頴招降之瓊管安撫司上其功得借補承節郎淳熙元年詔承節郎王日存子孫許襲職四年冬萬安軍王利學寇省地蓋曼進率眾拒之兵弱戰沒八年六月詔二十六峒都統領王氏女襲封宜人初王氏居化外累世立功邊陲皆受封爵紹興間瓊山民許益為亂王母黃氏撫諭諸峒無敢從亂者以功封宜人至是黃氏年老無子請以其女襲封朝廷從之十二年正月樂會縣白沙峒黎人王邦佐等率賊眾五

百為寇殺掠官軍保義郎陳升之撫降其眾俘獲林智福等瓊管司上其功詔減升之三年磨勘十六年詔以大寧砦黃弼補承信郎彈壓木東黎峒瓊管司言弼沉鷲有謀為遠近推服故用之弼宜人黃氏姪也嘉定九年五月詔宜人王氏女吳氏襲封統領三十六峒

環州蠻區氏州隸宜州羈縻領思恩都毫二縣有區希範者思恩人也狡黠頗知書嘗舉進士試禮部景祐五年與其叔正辭應募從官軍討安化州叛蠻既而希範等登聞鼓求錄用事下宜州而知州馮伸已



言其妄編管全州正辭亦嘗自言功不報二人皆缺  
望希範後輒遁歸與正辭率其族人及白崖山酋蒙  
趕荔波峒蠻謀為亂將殺伸已且曰若得廣西一方  
當建為太唐國會有日者石太清至因使之筮太清  
曰君貴不過封侯乃令大清擇日殺牛建壇場祭天  
神推蒙趕為帝正辭為奉天開基建國桂王希範為  
神武定國令公桂州牧皆北嚮再拜以為受天命又  
以區丕績為宰相餘皆偽立名號補置四十餘人慶  
曆四年正月十三日率眾五百破環州劫州印焚其  
積聚以環州為武城軍又破帶溪砦下鎮寧州及並

義砦有眾一千五百宜州捉賊李德用出韓婆嶺擊  
卻之前後斬獲甚眾俘偏將二希範懼入保荔波峒  
間出拒官軍朝廷下詔購之獲希範正辭及趕者人  
賜袍帶錢三十萬鹽千斤明年轉運使杜杞大引兵  
至環州使攝官區曄進士曾子華宜州校吳香誘趕  
等出降殺馬牛具酒給與之盟置曼陀羅花酒中飲  
者皆昏醉稍呼起問勞至則推仆後廡下比暮眾始  
覺驚走而門有守兵不得出悉擒之後數日又得希  
範等凡獲二百餘人誅七十八人餘皆配徙得醢希  
範賜諸溪峒績其五藏為圖傳於世餘黨悉平鎮寧



州亦隸宜州景祐三年蠻酋莫陵等七百餘人內寇遣西京作坊使郭志高閣門祗候梁紹熙往討未至陵等詣桂宜州巡檢李仲政請降廣西轉運使不俟詔貸其罪詔劾之已而釋之是歲高竇州伏獠陳友朋等亦寇海上本路會兵擊之潰去

列傳第二百五十四

列傳卷第二百五十五

宋史四百九十六

開府儀同三司上柱國錄軍國軍事前書右丞相監修國史領經筵事都總裁脫脫等奉

勅修

蠻夷四

西南諸夷

黎州諸蠻

叙州三路蠻

威茂渝州蠻

黔涪施高徼外諸蠻

瀘州蠻

西南諸夷漢牂牁郡地武帝元鼎六年定西南夷置牂牁郡唐置費玠莊琰播郎牂牁等州其地北距兗州百五十里東距辰州二千四百里南距交州



一千五百里西距昆明九百里無城郭散居村落土  
熟多霖雨稻粟皆再熟無徭役將戰征乃屯聚刻木  
為契其法劫盜者償其主三倍殺人者出牛馬三十  
頭與其家以贖死病疾無醫藥但擊銅鼓銅沙鑼以  
祀神風俗與東謝蠻同隋大業末首領謝龍羽據其  
地勝兵數萬人唐末王建據西川由是不通中國後  
唐天成二年牂牁清州刺史宋朝化等一百五十人  
來朝其後孟知祥據西川復不通朝貢乾德三年平  
孟昶五年知西南夷南寧州蕃落使龍彥瑫等遂來  
貢詔授彥瑫歸德將軍南寧州刺史蕃落使又以順

化王武才為懷化將軍武才弟若啓為歸德司階武  
龍州部落王子若溢東山部落王子若差羅波源部  
落王子若臺訓州部落王子若從維平部落王子若  
冷戰洞部落王子若磨羅母殊部落王子若母石人  
部落王子若葺並為歸德司戈開寶二年武才等一  
百四十人又來貢以武才為歸德將軍來人乞賜武  
才鈿函手詔以舊制所無不許四年其國人詣涪州  
言南寧州蕃落使龍彥瑫卒歸德將軍武才及八刺  
史狀請以彥瑫子漢塘為嗣詔授漢塘南寧州刺史  
兼蕃落使八年二十九部順化王子若發等三百七



十七人來貢馬百六十匹丹砂千兩太平興國五年  
 夷王龍瓊瑤遣其子羅若從并諸州蠻七百四十四  
 人以方物名馬來貢六年保州刺史董奇死以其子  
 紹重繼之雍熙二年八月奉化王子以慈等三百五  
 十人以方物來貢夷王龍漢璿自稱權南寧州事兼  
 蕃落使遣牂牁諸州酋長趙文橋率種族百餘人來  
 獻方物名馬并上蜀孟氏所給符印授漢璿歸德將  
 軍南寧州刺史以文橋等並為懷化司文端拱二年  
 漢璿又貽書五溪都統向通漢約以入貢淳化元年  
 漢璿遣其弟漢興來朝三年夷王龍漢興及都統

漢璿刺史龍光顯龍光及血及順化王兩滯等各貢馬  
 朱砂至道元年其王龍漢璿遣其使龍光進率西南  
 牂牁諸蠻來貢方物太宗召見其使詢以地里風俗  
 譯對曰地去宜州陸行四十五日土宜五穀多種秧  
 稻以木弩射麋鹿充食每三二百戶為一州州有長  
 殺人不償死出家財以贖國王居有城郭無壁壘  
 官府惟短垣先進之說與前書所記小異故并叙之  
 上因令作本國歌舞一人吹瓢笙如蚊蚋聲良久數  
 十輩連袂宛轉而舞以足頓地為節詢其曲則名曰  
 水曲其使十數輩從者千餘人皆蓬髮面目黧黑狀



如猱獠使者衣虎皮氈裘以虎尾插首為飾詔授漢  
瑋寧遠大將軍封歸化王又以歸德將軍羅以植為  
安遠大將軍保順將軍龍光盈龍光顯並為安化大  
將軍光進等二十四人並授將軍郎將司階司戈其  
本國使從者有甲頭王子刺史判官長史司馬長行  
僉人七等之名咸平元年其王龍漢瑋遣使龍光映  
又率牂牁諸蠻千餘人來貢詔授光映等百三十人  
官三年都部署張文黔來貢五年漢瑋又遣牙校率  
部蠻千六百人馬四百六十四匹并藥物布帛等來貢  
賜冠帶於崇德殿厚賚遣還六年知全州錢絳請以

誘溪洞名豪上以生事寢其奏不報景德元年詔  
南牂牁諸國進奉使親至朝廷者令廣南西路發兵  
援之勿抑其意先是龍先進等來朝上矜其道遠人  
馬多斃因詔宜州自今可就賜息物至是懇請詣闕  
從之二年詔羈縻保霸州刺史董紹重董忠義歲賜  
紫綾錦袍四年西南蠻羅雍瓦并都指揮使顏士龍等  
未貢士龍種落遐阻未嘗來朝今始至詔館餼賜予  
如高溪州大中祥符元年瀘州言江安縣夷人殺傷  
內屬戶害巡檢任賽既不自安遂為亂詔遣閣門祗  
候侍其旭乘傳招撫旭至蠻人首罪殺牲為誓未幾



復叛旭因追斬數十級擒其首領三人又以衣服紬布誘降蠻斗婆行者將按誅其罪上以旭召而殺之違招安之實即降詔戒止且令篤恩信設方略制禦無尚討伐以滋驚擾二年旭言夷人恃巖險未即歸服詔文思副使孫正辭等為都巡檢使乃分三路入其境脅以兵威皆震懼伏罪三年正辭言夷人安集降詔嘉獎先有蠻羅忽餘甚忠順防援并監捕殺違命者不已上遣內臣郝昭信褒慰之且諭以赦蠻黨前罪勿復邀擊四年茂州夷族首領耆老刑牛犬於三溪誓不侵擾州界又峽路鈴轄執為亂夷人王羣

體等至闕下上曰蠻夷不識教義向之為亂亦守臣失於綏撫並免死分隸江浙遠地其年霸州董詰為其巡檢使董延早所殺五年黎洞夷人互相殺害巡檢使發兵掩捕上聞而切責之曰蠻夷相攻許邊吏和斷安可擅發兵甲或致擾動即令有司更選可任者代之五年晏州多剛縣夷人斗望行牌率眾劫涪并監綬駐泊借職平言大掠資畜知瀘州江安縣奉職文信領兵趨之遇害民皆驚擾走保戎州轉運使寇斌即令諸州巡檢會江安縣集公私船百餘艘載糧甲張旗幟擊銅鑼鼓吹自蜀江下抵清浮坝樹營

宋史四百九十六

趙維辛馬



柵招安近界夷族諭以大兵將至勿與寧等同惡未  
幾納溪藍順州刺史介松生南八姓諸團烏蠻獨廣  
王子界南廣溪移悅等十一州刺史李紹安山後高  
鞏六州及江安界娑婆村首領並來乞盟立竹為誓  
門刺猫狗雞血和酒飲之誓同力討賊賊乃署榜許  
以官軍至不殺其老幼給賜衣幣酒食上遣內殿崇  
班王懷信乘傳與瑊等議綏撫方略瑊言斗望等屢  
為寇鈔恃寬赦不悛惡今請發嘉眉屯兵捕剪以震  
懼之六年九月詔懷信為嘉眉戎瀘等州水陸都巡  
檢使閤門祇候康訓符承訓為都同巡檢使及發虎

翼神虎等兵三千餘人令懷信與瑊商度進討上因  
謂樞密使陳堯叟曰往時孫正辭討蠻有虎翼小校  
率衆冒險者三人朕志其姓名今以配懷信正辭嘗  
料簡鄉丁踰白芳子兵以其識山川險要遂為鄉導  
今亦令懷信召募又使臣宋賁屢規畫溪洞事適中  
機要以賁知江安縣與懷信等議事瑊乃點集昌盧  
富順監白芳子弟得六千餘人十一月懷信康訓分  
領緣溪入合灘至生南界斗滿村遇夷賊二千餘人  
擊之殺傷五百人奪校槍藤牌會暮收衆保砦夷黨  
三千餘人分兩道張旗喊呼來逼砦柵懷信出擊皆



潰散進壁娑婆遇夷二千于羅募村又破之追至斗  
行村上屏風山連破四砦一日三戰俘馘百餘人奪  
資糧五千石槍刀什器萬數焚羅固募斗引等三十  
餘村庵舍三千區懷信又引兵至斗行村追擊過盧  
羅射仆二百餘人焚其欄柵千數分遣部下於羅箇  
頰羅能落運等村及龍峨山掩殺大獲戎具斬首級  
及重傷投崖死者頗衆燒舍千區及積穀累萬兩路  
兵會于涇灘置砦遣康訓部壕砦卒修涇灘路以渡  
大軍俄為夷賊所邀戰不利訓顛于崖死之懷信引  
兵急擊大敗之追斬至涇灘懷信夾砦于晏江口城

與符承訓偵知賊謀欲乘夜擊晏江馳報懷信即  
涇灘拔砦赴之比至晏江北山夷衆萬餘已自東南  
合勢逼懷信若懷信設強弩環砦射賊城等整衆乘  
高策援夷人大懼而却合擊破之死傷千餘人七年  
正月其酋斗望三路分衆來鬪又為官軍大敗射殺  
數百人溺江水死者莫計夷人震懼請軍首服納牛  
羊銅鼓器械城等依詔撫諭二月還軍涓井夷首斗  
望及諸村首領悉赴監自陳願貸死永不寇盜邊境  
因殺三牲盟誓辭其懇苦即犒以牢酒感悅而去城  
懷信等上言夷人寧息請置涓井監壕柵并許近界



四百一十  
市馬從之八年瓊州路上言南寧州夷族張聲進遣  
使進奉為蕃落使龍漢瑋邀奪讎劫不已乞降勅書  
安撫天聖四年龍光凝康定元年龍光瑋景祐三年  
龍光辨慶曆五年龍以特皇祐二年龍光澈等繼以  
方物來貢獻與以特俱至者七百十九人是年以安  
遠將軍知蕃落使龍光辨為寧遠軍大將軍寧遠將  
軍知靜蠻軍節度使龍光凝承宣武寧大將軍龍異  
豈並為安遠大將軍承宣奉化大將軍龍異曾為武  
寧大將軍至和中龍以烈龍異靜首領張漢陞王子  
羅以崇等皆入貢命其首領而下九十三人為大將

軍至郎將嘉祐中以烈復至大率龍姓諸部族地遠  
且貧熙寧中來見賜以袍帶等物刺其數於背又有  
張玉石自品者嘉祐中來貢而鵝州亦遣人貢馬有  
董氏世知保州曰仲元者襲是州二十餘年矣至是  
益州鈐轄司表其善拊蠻夷命為本州刺史鵝州保  
州皆西南邊地也又有夷在瀘州部亦西南邊地所  
部十州曰鞏曰定曰高曰奉曰涪曰宋曰納曰晏曰  
投附曰長寧皆夷人居之依山險善寇掠涪井監者  
在夷地中朝廷置吏領之以拊御夷衆或不得人往  
徃生事慶曆四年四月夷人攻三江若詔秦鳳路總



管司發兵千人選官馳往捕擊既而瀘州教練使生  
南招安將史愛誘降夷賊斗教等詔並補三班差使  
殿侍清井監一路招安巡檢未幾夷衆復寇三江砦  
指使王用等擊走之皇祐元年二月夷衆萬餘人復  
圍清井監水陸不通者甚久初監戶晏州夷人錢而  
歐傷斗落妹其衆憤怒欲報之知瀘州張昭信勸諭  
既已聽服而清井監復執婆然村夷人細令等殺長  
寧州落占等十人故激成其亂詔知益州田况發安  
郡士卒命梓夔路兵馬鈐轄宋定往援之於是兩路  
合官軍洎白芳子弟幾二萬人與戰兵死者甚衆飢

死又千餘人數月然後平賜况及轉運使勅書褒獎  
宋定而下十三人進秩有差後况還朝乃奏夷衆連  
年為亂繇主者非其人請令轉運鈐轄司舉官為知  
監監押代還日特遷一資從之嘉祐二年三里村夷  
斗還等百五十人復謀內寇有黃土坎夷斗蓋長寧  
州人也先以其事來告清井監引兵趨之捕斬七千  
餘級鈐轄司上聞詔賜斗蓋錢三十萬錦袍銀帶明  
年又補斗蓋長寧州刺史瀘州部舊領姚州廢已久  
有烏蠻王子得蓋者來居其地部族最盛數遣人詣  
官自言願得州名以長夷落事聞因賜號姚州鑄印



予之得盖又乞勅書一通以遺子孫詔從其請夔州路又有漆南二州夷頗盛疆皇祐初詔自今歲遣使者存問之雅州西山野川路蠻者亦西南夷之別種也距州三百里有部落四十六唐以來皆為羈縻州太平興國三年首領馬令膜等十四人以名馬犂牛虎豹皮麝臍來貢并上唐朝勅書告身凡七通咸賜以冠帶其首領悉授官以遣之紹聖二年以碉門砦蠻部王元壽襲懷化司戈云

黎州諸蠻凡十二種曰山後兩林蠻在州南七日程曰邛部州在州東南十二程曰風琴已蠻在州西南一

十一百里曰保塞蠻在州西南三百里曰三王蠻亦

曰部落蠻在州西百里曰西普蠻有彌羌部落在州

西三百里曰淨浪蠻在州南一百五十里曰白蠻在

州東南一百里曰烏蒙蠻在州東南千里曰阿宗蠻

在州西南二日程凡風琴兩林邛部皆謂之東蠻其

餘小蠻各分隸焉邛部於諸蠻中最驕悍狡譎招集

蕃漢亡命侵攘他種閉其道以專利曰大雲南蠻曰

小雲南蠻即唐南詔今名大理國自有傳夷俗尚鬼

謂主祭也日鬼主故其酋長號都鬼主後唐天成間始

來貢開元二年六月壬子勿兒遣部落將軍離魚以



狀白黎州期十月內入貢成都府以聞詔嘉答之至  
是來朝賜以器幣由黎州南行七日而至其地又一  
程至鴛州鴛州今廢空城中但有浮圖一又二程至  
建昌城又十七程至雲南三年七月又朝貢六年四  
月邛部州歸德將軍阿伏上言為山後兩林蠻勿兒  
率衆僞掠堡砦八年懷化將軍勿尼等六十餘人來  
貢詔以勿尼為歸德將軍又以兩林蠻大鬼主蘇吠  
為懷化將軍太平興國二年遣使王子卑綏副使牟  
蓋鬼主還祖等十八人以名馬來貢乞頒正朔下詔  
山後兩林蠻主歸德將軍勿尼懷化將軍勿兒等

克慕聲明遠脩職貢並增環衛之秩俾為夷落之榮  
勿尼可特授歸德大將軍勿兒可特授懷化大將軍  
是冬又遣使離魚貢犀二株馬九匹來賀登極四年  
勿兒與都鬼主又遣王子祚遇以名馬來貢八年蠻  
主弟牟昂及王子牟蓋摩忙卑愧副使牟計等二百  
三十九人來貢詔以牟昂為懷化大將軍計等三人  
為歸德郎將牟計等百二十八人並為懷化司戈雍熙  
三年勿尼等及其王子李奉恩復來貢馬淳化元年  
王子離魚副使卑都卑諭鬼主坡禮等百二十八人  
來貢詔授離魚歸德將軍卑都保順郎將軍卑諭歸德



二百九十四  
司戈卑熱等五十四人懷化司戈天禧二年山後兩  
林百蠻都鬼主李阿善遣將軍卑熱等一百五十人  
來貢

邛部州蠻亦曰大路蠻亦曰勿鄧居漢越嵩郡會無  
縣地其酋長自稱百蠻都鬼主開寶三年六月都鬼  
主阿伏白黎州期以十月令王子入貢成都府以聞  
詔嘉納之四年黎州定遠兵士搆叛聚居鹿角溪阿  
伏令弟遊擊將軍卑熱等率眾平之詔賜阿伏銀帶  
錦袍并賜其眾銀帛久百以為歸德將軍六年阿伏  
與山後兩林蠻主勿兒言語相失勿兒率兵侵邛部

州頗得殺部落黎州以聞並賜詔慰諭令各守封疆  
勿相侵犯太平興國四年首領卑昂詣族鬼主副使  
離機等各以方物來貢雍熙二年都鬼主諾驅并其  
母熱免遣王子阿有等百七十二人以方物名馬來  
貢詔以諾驅為懷化將軍并賜其母銀器端拱二年  
遣弟少蓋等三百五十人來賀籍田貢御馬十四匹  
馬二百八十四匹犀角二象牙二莎羅毯一合金銀飾  
寶刀二金飾馬鞍勒一具獐羊十犛牛六詔以少蓋  
為歸德郎將淳化元年諾驅自部馬二百五十四匹至  
黎州求互市詔增給其直諾驅令譯者言更入西藩



求良馬以中市二年復遣子牟昂叔離襪以方物良馬犛牛來貢仍乞加恩詔授諾驅懷化大將軍少蓋懷化將軍牟昂歸德將軍離襪懷化司戈又封諾驅女歸德郡太君熱免寧遠郡太君弟離遮小男阿醉都判官任彥德等一百九十一人為懷化司戈至道元年李淳亂西川王繼恩討平之遣嘉州牙校辛顯使諾驅奉淳化二年所授官告赦書及日曆為信因言與賊樊秀等接戰敗之復請朝覲通嘉州舊路繼恩上言通嘉州路非便只令於黎州賣馬詔不允其入覲王子一十九人並加官恩三二十六人並賜物

書以撫之至道三年遣王子阿醉來朝真宗咸平二年遣王子部的等來貢文犀名馬賜衣帶器幣有差又乞給印以大渡河南山前後都鬼主為文從之五年又遣王子離歸等二百餘人入貢六年黎州言印部州都蠻王諾驅卒其子阿道立景德二年阿道遣王子將軍百九十二人來貢詔授阿道安遠將軍阿道叔懷化將軍阿育為歸德將軍離歸為懷化將軍大判官懷化司候任彥德王子將軍部的並為懷化郎將判官任惟慶為懷化司候大中祥符元年遣將軍道勿婆等獻名馬犀角象齒婆羅毯會于泰山禮



畢阿道加息勿娑等厚賜遣還天聖八年十月邛部  
州都蠻王黎在遣卑郎離滅等來貢方物時占城龜  
茲沙州亦皆入貢至以家自隨晏殊因請圖其人物  
衣冠并訪道里風俗以上史官詔可九年三月命黎  
在為保義將軍又命其部族為郎將司戈司候凡三  
十餘人明道元年黎州言黎在請三歲一貢詔諭以  
道路遐遠聽五年一至景祐初黎州復言邛部蠻請  
歲入貢詔如明道令實元元年百蠻都王忙海遣將  
軍卑蓋等貢方物且請三歲一貢不許慶曆四年邛  
部州山前山後百蠻都鬼主牟黑遣將軍阿濟等三

百三十九人獻馬二百一十犛牛一大角羊四羴犛  
一莎羅毯一慶曆間有都鬼主弁黑等入貢未幾其  
王咩墨擾邊知黎州孫固使其首領苴剋殺之熙寧  
三年苴剋遣使來賀登寶位自稱大渡河南邛部州  
山前山後百蠻都首領賜敕書器幣襲衣銀帶是年  
苴剋死詔以其子韋則為懷化校尉大渡河南邛部  
州都鬼主九年遣其將軍卑郎等十四人入貢乾道  
元年詔以崖韞襲兄蒙備金紫光祿大夫懷化校尉  
都鬼主如故淳熙元年吐蕃寇西邊崖韞率眾掩擊  
詔嘉其功二年五月兩林蠻王弟籠畏及酋長崖來



率部義等攻邛部州之籠甕城不克大掠而去崖韃  
追之不及制置使范成大檄黎州嚴加備禦八年崖  
韃死其姪墨崖襲職詔黎州屯戍土軍禁軍及西兵  
遇有邊事並聽本州守臣節制嘉定九年邛部州逼  
於雲南遂伏屬之其族素效順捍禦邊陲既折歸雲  
南矢西南一藩籬矣

風琶蠻咸平初其王曩婁遣使烏栢等貢馬五十七  
匹素地紅花娑羅毯二來賀即位詔授曩婁及進奉  
使等官優賜遣之景德三年又遣烏栢來貢詔授曩  
婁歸德將軍烏栢等四十六人弟遷郎將司階司戈

寶塞蠻開寶間其蠻七十餘人由大渡河來歸時時  
來貨其善馬紹興二十七年川秦都大司言漢地民  
張太二姑率衆劫殺市馬蠻客崖遇等恐啓邊釁已  
加慰諭併償其直矣詔免知州唐拒及通判陳伯強  
官抵首賊法

部落蠻有劉楊郝三姓淳熙七年十月黎州五部落  
蠻貢馬三百匹求內附詔許通互市卻其所獻馬彌  
羌部落乾道九年吐蕃青羌以知黎州宇文紹直不  
識其馬價憤怨為亂詔師憲撫安之紹直罷免青羌  
首領奴兒結等市馬黎州大肆虜掠權州事王昉



給金帛亟遣還宣撫使虞允文言昉貪功恐他部效尤漸啓邊釁詔降昉兩官十月黎州吐蕃復寇邊攻虎掌砦詔四川宣撫司檄成都府調兵二千人戍黎州以禦之淳熙二年奴兒結還所虜生口三十九人黎州與之盟復聽其互市給賞歸之制置使范成大言所虜未盡歸我豈可復與通好詔謫宇文紹直編管千里外成大增黎州五砦籍強壯五千人為戰兵吐蕃入寇之徑凡十有八皆築堡戍之奴兒結率衆二千扣安靜砦成大調飛山卒千人赴之度其三日必遁戒勿追已而果然青羌奴兒結為邊害者十餘

年以後制置使留正以計禽殺之盡殲其黨淳熙二年趙汝愚代為制置使或謂殺降不祥必啓邊患汝愚不為動但分守險要嚴備以待之明年奴兒結弟三開果入寇邊備完固三開不能攻走歸汝愚縣重賞以問羣蠻三開不能孤立遂以憂死時虛恨蠻族最強破小路蠻併其地與黎州接壤請通互市汝愚以黎州三面被邊若更通虛恨蠻恐重貽他日之憂不若拒之為便帝以其知大體從之尋汝愚以定青羌功加龍圖閣直學士嘉定元年十二月獮羌蓄下由惡水渡河寇黎州破碉砦砦初蓄卜弟悶巴至



三衝為人所殺又徙白水村渡於安靜若羌人患之  
 蓄下遂與青羌詣邛部州欲假道女兒城以入寇守  
 臣楊子謨謀知之數以貲遺其都王毋俾毋假道時  
 時魏朱以濟其饑蠻人德之會趙公庞代為郡斬不  
 與蓄下遂得假道渡河攻茆坪若掠三松蠶砂橫山  
 三增白羊諸村郡遣西兵將党壽禦之失利復遣統  
 領王光世往羌人由茆坪以革船渡河光世憚之留  
 屯三衝不敢進羌人焚掠既盡渡河而歸二年二月  
 寇黎州良溪若官軍敗績八年二月蓄下降蓄下  
 二年入寇皆青羌曳失索助之守臣袁耨遣安靜若

總轄杜軫招降之他如浮浪蠻白

蠻烏蒙蠻阿宗蠻

則其地各有所服屬云

叙州三路蠻西北曰董蠻正西曰石門部東南曰南

廣蠻董蠻在馬湖江右棘侯國也唐羈縻馴騁浪商

四州之地其酋董氏宋初有董表惜者貢馬自稱馬

湖路三十七部落都王子其地北近犍為之沐川賴

因若若阮蠻險蠻數寇抄禦寧紹聖中朝廷皆為徙

賴因監押駐榮丁若而以縣吏地截政和五年始改

差監押充知若事蠻寇掠如故南廣蠻在叙州慶符

縣以西為州十有四大觀三年古夷首羅永順楊光



字百八十四人  
崇李世恭等各以地內屬諸建必純祥三州後皆廢  
石門蕃部與臨洮三羌接唐曲世等十二州之地俗  
椎髻披氍佩刀居必欄欄不喜耕稼多畜牧其人精  
悍善戰鬥自馬湖南廣諸族皆畏之蓋古浪稽魯望  
諸部也

威州保霸蠻者唐保霸二州也天寶中所置後陷沒  
酋董氏世有其地與威州相錯因羈縻焉保州有董  
仲元霸州有董永錫者嘉祐云熙寧中嘗嘗請命於  
朝政和三年知成都龐恭孫於建言開拓置官吏於  
是以董舜咨保州地為祺州董舜博霸州地為亨州

授舜咨刺史舜博團練使舜咨尋遷觀察使舜博留  
後遂為節度使詔成都給居第田十二頃二州經費  
歲用錢一萬二千一百緡米麥二萬四千七百石絹  
二千八百五十匹紬布綾綿茶鹽銀等不預焉後皆  
為砦

茂州諸部落蓋塗靜當直時飛宕恭等九州蠻也蠻  
自推一人為州將治其衆而常詣茂州受約束茂州  
居羣蠻之中地不過數十里宋初無城隍惟植鹿角  
自固蠻乘夜屢寇民甚苦之熙寧八年相率詣州  
請築城知州事范百常實主是役蠻以為侵其地率



衆奄至百常擊走之乃合靜時等蠻來寇百常拒守  
 凡七十日詔遣王中正將陝西兵來援入恭州宕州  
 誅殺頗衆蠻乃降政和五年有且州將郅永壽湯延  
 俊董承有等各以地內屬詔以永壽地建壽寧軍延  
 俊承有地置延寧軍時威州亦置軍其地然亭至  
 威纜九十里壽寧軍距茂纜五里去大早江之外非扼  
 控之所未幾皆廢七年塗靜時等州蠻復反茂州  
 殺掠千餘人知成都周燾遣兵崔四鈐轄張永鐸等擊  
 之畏懦不敢進皆坐黜以孫義忠文節制綿茂軍於是  
 中軍將神友直等破其都棧板公巨原諸族蠻敗散其

酋旺烈等詣茂州請降乃班師授旺烈官月給茶綵  
 自後蠻亦驕宣和五年宏恭直諸部落入寇六年塗  
 靜蠻復犯茂州云

渝州蠻者古板楮七姓蠻唐南平獠也其地西南接  
 烏蠻昆明哥蠻大小播州部族數十居之治平中熟  
 夷李光吉梁秀等三族據其地各有衆數千家間以  
 威勢脅誘漢戶有不從者屠之沒入土田往往投充  
 客戶謂之納身稅賦皆里胥代償歲匿亡命數以其  
 徒偽為生獠劫邊民官軍追捕輒遁去習以為常密  
 賂黠民規守令動靜稍築城堡繕器甲遠近患之熙

宋史四百九十六

趙維新寫



寧三年轉運使孫固判官張詵使兵馬使馮儀并簡杜安行圖之以禍福開諭因進兵復賓化砦平蕩三族以其地賦民凡得租三萬五千石絲綿一萬六千兩以賓化砦為隆化縣隸涪州建榮懿扶歡兩砦其外銅佛垠者隸渝州南川縣地皆膏腴自光吉等平他部族據有之朝廷因補其土人王才進充巡檢委之控扼才進死部族無所統數出盜邊朝廷命熊本討平之建為南平軍以渝州南川涪州隆化隸焉元豐四年有楊光震者助官軍破乞弟殺其黨阿訛大觀二年木攀首領趙泰播州夷族楊光榮各以地

屬詔建溱播二州後皆廢

黔州涪州徼外有西南夷部漢牂牁郡唐南寧州牂牁昆明東謝南謝西趙充州諸蠻也其地東北直黔涪西北接嘉叙東連荆楚南出宜桂俗椎髻左衽或編髮隨畜牧遷徙亡常喜險阻善戰鬥部族共一姓雖各有君長而風俗略同宋初以來有龍蕃方蕃張蕃石蕃羅蕃者號五姓蕃皆常奉職貢受爵命治平四年十二月知靜蠻軍蕃落使守天聖大王龍異閣等入見詔以異閣為武寧將軍其屬二百四十一人各授將軍及郎將熙寧元年有方異現三年有張漢



興各以方物來獻授異玃靜蠻軍漢興捍蠻軍並節  
度使六年龍蕃羅蕃方蕃石蕃八百九十人入覲貢  
丹砂氈馬賜袍帶錢帛有差其後比歲繼來龍蕃衆  
至四百人往返萬里神宗憫其勤詔五姓蕃五歲聽  
一貢人有定數無輒增加及別立首領以息公私之  
擾命宋敏求編次諸國貢奉錄客省四方館撰儀皆  
著為式元豐五年張蕃乞添貢奉人至三百詔故事  
以七十人為額不許七年西南程蕃乞貢方物願依  
五姓蕃例注籍從之元祐二年西南石蕃石以定等  
齋表自稱西平州武聖軍禮部言元豐嘗令以五

一貢為限今年限未及詔特令入貢五年八年紹聖  
四年龍蕃皆貢方物龍氏於諸姓為最大其貢奉尤  
頻數使者但衣布袍至假伶人之衣入見蓋實貧陋  
所異者息賞而已故事蠻夷入貢雖交趾于闐之屬  
皆御前殿見之獨此諸蕃見於後殿蓋卑之也元符  
二年又有牟韋蕃入貢詔以進奉人韋公慶公市公  
利等為郎將諸蕃部族數十獨五姓最著程氏韋氏  
皆比附五姓故號西南七蕃云

施州蠻者瓊路徼外熟夷南接牂牁諸蠻又與順富  
高溪四州蠻相錯蓋唐彭水蠻也咸平中施蠻嘗入



三百九十五个  
寇詔以鹽與之且許其以粟轉易蠻大悅自是不為  
遠患後因飢又以金銀倍實直質于官易粟官不能  
禁熙寧六年詔施州蠻以金銀質米者估實直如七  
年不贖則變易之著為令熊本經制涪井事蠻首田  
現等內附夔路轉運判官董鉞副使孫珪知施州寇  
平皆以招納功被賞施黔比近蠻子弟精悍用木弩  
藥箭戰鬪趨捷朝廷嘗團結為忠義勝軍其後瀘州  
涪井石泉蠻叛皆獲其用

高州蠻故夜郎也在涪州西南宋初其酋田仙以地  
內附賜名珍州拜為刺史仙以郡多火災請易今

大觀二年有賂解下上族納土復以珍州名云

瀘州西南徼外古羌夷之地漢以來王侯國以百數  
獨夜郎滇邛都雋昆明徙苻都冉駝白馬氏為最大  
夜郎在漢屬牂牁郡今涪州之西溱播珍等州封域  
是也滇在漢為益州郡今姚州善闡之地是也邛都  
雋州會同川與吐蕃接今邛部州蠻所居也雋今雋  
州昆明在黔瀘徼外今西南蕃部所居也徙今雅州  
嚴道地苻都在黎州南今兩林及野川蠻所居地是  
也冉駝今茂州蠻汶山夷地是也白馬氏在漢為武  
都郡今階州汶州蓋羌類也此皆巴蜀西南徼外蠻



夷也自黔恭以西至涪瀘嘉叙自階又折而東南至威茂黎雅被邊十餘郡綿亘數千里剛夷惡獠殆千萬計自治平之末訖于靖康大抵皆通互市奉職貢雖時有剽掠如鼠竊狗偷不能為深患參考古今辨其封域以見琛贐之自至梯航之所及者爾若夫邊荆楚交廣則係之溪峒云消水夷者羈縻十州五圉蠻也雜種夷獠散居溪谷中慶曆初瀘州言管下溪峒十州有唐及本朝所賜州額今烏蠻王子得蓋居其地部族最盛旁有舊姚州廢已久得蓋願得州名以長夷落詔復建姚州以得蓋為刺史鑄印賜之得

蓋死其子竊號羅氏鬼主鬼主死子僕射襲其號浸弱不能令諸族烏蠻有二酋領曰晏子曰斧望箇恕常入漢地鬻馬晏子所居直長寧寧遠以南斧望箇恕所居直納溪江安以東皆僕夜諸部也晏子拒漢地絕近猶有消井之阻斧望箇恕近納溪以舟下瀘不過半日二酋浸強大擅劫晏州山外六姓及納溪二十四姓生夷夷弱小皆相與供其寶熙寧七年六姓夷自消井謀入寇命熊本經制之景思立戰沒本將蜀兵募土丁及夷界黔州弩手以毒矢射賊賊驚潰於是山前後長寧等十郡八姓及武都夷皆內附



宋史列傳卷三十五  
提點刑獄范百祿作文以誓之曰蠢茲夷醜涓溪之  
澣為虺為豺憑負固圍殺人于貨頭顱草莽莫慘燔  
炙莫悲奴虜狙虎熟慝胡可悉數疆吏苟玩噤不敢  
語奮若之歲曾是彊禦躑躅嘯聚三壕羅募債我將  
佐戕我士伍西南繹騷帝赫斯怒帝怒伊何神聖文  
武民所安樂惟曰慈撫民所疾苦惟曰砭去乃用其  
良應變是許粥熊裔孫爰馭貔虎殲其渠首判其黨  
與既奪之心復斷右股攝提孟陬徂征有叙背孤擊  
虛窾入厥阻兵從天下鐵首其舉紛紜騰沓莫敢嬰  
牾火其巢穴及其困貯暨其貨畜墟其林無殺傷係

縲以百千數涇灘望風悉力比附丁為帝民地曰王  
土投其器械籍入官府百死一贖莫保銅鼓軟盟神  
天視此狗鼠敢忘誅絕以干罪罟乃稱上恩俾復故  
處殘醜厥角泣血懇語天子之德雨暘覆護三五噍  
類請比涇倖大邦有令其戒警汝天既汝貸汝勿予  
侮惟十九姓徃安汝堵吏治汝責汝力汝布吏時汝  
耕汝稻汝禾懲創于今無怵徃古小有堡障大有城  
戍汝或不聽汝擊汝捕尚有虓將突騎強旅傳此黔  
軍毒矢勁弩天不汝容暴汝居所不汝遺育悔於何  
取立石于武寧若熊本言二酋桀黠不羈縻之則諸



蠻未易服遂遣人說誘招納於是晏子斧望箇恕及  
僕夜皆願入貢受王命晏子未及命而死乃以箇恕  
知歸來州僕夜知姚州以箇恕之子乞弟晏子之子  
沙取祿路並為把截將西南夷部巡檢八年俞州獠  
寇南州獠酋阿訛率其黨奔箇恕熊本重賞檄斬訛  
訛桀黠習知邊境虛實箇恕匿不殺詭降于納溪訛  
得不死甚德箇恕為伺邊隙會箇恕老厭兵以事屬  
乞弟遂與訛侵諸部十年羅苟夷犯納溪砦初砦民  
與羅苟夷競魚苟誤毆殺之吏為按驗夷已忿謂漢  
殺吾人官不償我骨價反暴露之遂叛提點刑獄穆

納溪去瀘一舍羅苟去納溪數里今託事起端  
若不加誅則烏蠻觀望為害不細乃詔涇原副總管  
韓存寶擊之存寶召乞弟等持角討蕩五十六村十  
三圍蠻乞降願納土承賦租乃詔罷兵元豐元年乞  
弟率晏州夷合步騎六千至江安城下責平羅苟之  
賞城中守兵纔數百震恐不能授甲蠻數日乃引去  
知瀘州喬叙要欲與盟遣梓夔都監王宣以兵二千  
守江安仍奏以乞弟襲歸來州刺史韓運遣小校楊  
舜之召乞弟拜敕乞弟不出遣就賜之亦不見而令  
小蠻從舜之取敕以去喬叙因沙取祿路以賄招乞



蠻未易服遂遣人說誘招納於是晏子斧望箇恕及僕夜皆願入貢受王命晏子未及命而死乃以箇恕知歸來州僕夜知姚州以箇恕之子乞弟晏子之子沙取祿路並為把截將西南夷部巡檢八年俞州獠寇南州獠酋阿訛率其黨奔箇恕熊本重賞檄斬訛訛桀黠習知邊境虛實箇恕匿不殺詭降于納溪訛得不死甚德箇恕為伺邊隙會箇恕老厭兵以事屬乞弟遂與訛侵諸部十年羅苟夷犯納溪砦初砦民與羅苟夷競魚苟誤毆殺之吏為按驗夷已忿謂漢殺吾人官不償我骨價反暴露之遂叛提點刑獄穆

始言納溪去瀘一舍羅苟去納溪數里今託事起端若不加誅則烏蠻觀望為害不細乃詔涇原副總管韓存寶擊之存寶召乞弟等持角討蕩五十六村十三圍蠻乞降願納土承賦租乃詔罷兵元豐元年乞弟率晏州夷合步騎六千至江安城下責平羅苟之賞城中守兵纔數百震恐不能授甲蠻數日乃引去知瀘州喬叙要欲與盟遣梓潼都監王宣以兵二千守江安仍奏以乞弟襲歸來州刺史韓運遣小校楊舜之召乞弟拜敕乞弟不出遣就賜之亦不見而令小蠻從舜之取敕以去喬叙因沙取祿路以賄招乞



弟乃肯來三年盟于納溪蠻以為畏已益悖慢盟五日遂以衆圍羅箇牟族羅箇牟熊本所團結熟夷也王宣往救之蠻解圍合力拒官軍宣與一軍皆沒事遂張駟召存寶授方略統三將兵萬八千趨東川存寶怯懦不敢進乞弟送款給降存寶信之遂休兵于綿梓遂資間四年詔以環慶副總管林廣代存寶按寶豆撓誅之熟夷楊光震殺阿訛詔林廣與光震回力討賊乞弟恐復送款帝以其前後反覆無真降意督廣進師廣遂破樂攻城至斗蒲村斬首二千五百級次落婆乞弟乃納降廣盛陳兵以受之對諸酋

乞弟疑有變引衆遁廣帥兵深入會大雨雪浹旬始次老人山山形劔立度黑崖至鴉飛不到山五年正月次歸來州天大寒然桂為薪軍士皆凍墮指留四日求乞弟不可得內侍麥文昞問廣軍事廣曰賊未授首當待罪文昞乃出所受密詔曰大兵深入討賊期在臯獲元惡如已破其巢穴雖未得乞弟亦聽班師軍中皆呼萬歲曰天子居九重明見萬里外乃以衆還自納溪之役師行凡四十日築城樂共城江門紫梅嶺席帽溪堡西達涪井東道納溪皆控制要害捷書聞赦梓州路以歸來州地賜羅氏鬼主乞弟既







程